

四庫全書

史部

# 欽定四庫全書

史部  
御批資治通鑑綱目卷五十三

詳校官修撰臣錢榮

編修臣程嘉謨覆勘

總校官降調編修臣倉聖脉

校對官中書臣宋枋遠

謄錄監生臣許祖懷

欽定四庫全書

御批資治通鑑綱目卷五十三

起丁巳唐昭宗乾寧四年  
盡丙寅唐昭宣帝天祐三年  
凡十年

乙巳四年春正月詔罷諸王所領兵及殿後四軍

韓建奏睦濟韶通彭韓儀陳八王謀殺臣劫車駕幸  
河中上大驚召建諭之建稱疾不入令諸王詣建自  
陳建不之見表請勒歸十六宅妙選師傅教以詩書  
不令典兵預政上不不得已詔諸王所領軍士並縱歸  
田里建又奏所置殿後四軍顯有厚薄偏黨乞皆罷  
遣詔亦從之於是天子之親軍盡矣捧日都頭李筠  
石門扈從功第集覽韓日都頭捧日軍號也都頭猶  
一建復奏斬之

王行約等作亂上以李筠兵自衛幸石門鎮

### 立德王裕為皇太子

建既幽諸王於別第上意不悅乃奏請立德王為太子欲以解之

#### 書法

唐自武宗四宗無書立太子者於是復書亦自是終矣

### 朱全忠克鄆州執朱瑄進襲兗州克之朱瑾奔淮南

龐師古葛從周并兵攻鄆州朱瑄兵少食盡不復出戰瑄引水為深壕以自固師古等為浮梁夜濟瑄棄城走野人執之以獻全忠入鄆州以龐師古為天平留後朱瑾留大將康懷貞守兗州自與河東將史儼李承嗣掠徐境以給軍食全忠遣從周將兵襲兗州懷貞降從周入兗州獲瑾妻子瑾及儼等帥其衆奔



淮南全忠納瑾之妻引兵還張夫人請見之瑾妻拜  
夫人答拜且泣曰宛鄆與司空約為兄弟以小故恨  
望起兵相攻使吾如辱於此他日汴州失守吾亦如  
吾如之今日乎全忠乃出瑾妻而斬瑾於是鄆齊曹  
綠宛沂密徐宿陳許鄭滑濮皆入于全忠惟王師範  
保淄青亦服於全忠淮南舊善水戰不知騎射及得  
河東宛鄆兵  
軍聲大振

### 王建遣華洪將兵攻東川

建更華洪姓  
名曰王宗潞

### 孫偓朱朴罷

朴既秉政所言皆不  
效外議沸騰故罷

### 欽定四庫全書

御批資治通鑑綱目  
卷五十三

二

### 張佑克邵州擒蔣勛質實

邵州一統志云唐初所置治  
邵陽縣天寶初改為邵陽郡

乾元初復為邵州五代時晉改為敏州宋仍為邵州後  
趙實慶府元改為實慶路本朝改路為府隸湖廣道

### ○三月朱全忠以葛從周守兗州朱友裕守鄆州龐師

### 古守徐州○夏四月遣使和解兩川

#### 書法

漢獻之篇書遣馬日碑趙岐和解關東矣於是  
再見東世之政一轍也終綱目書遣使和解二

### ○六月貶王建為南州刺史以李茂貞為西川節度使

### 韋王嗣周為鳳翔節度使

王建將兵五萬攻東川李茂貞表其罪故貶之徙茂  
貞鎮西川韋王鎮鳳翔建克梓州南寨執其將李繼

寧宣諭使李恂至梓州建指執旗者曰戰士之情不  
可奪也茂貞亦不受代圍韋王於奉天韓建移書茂  
貞軍王  
乃得歸

### 秋八月韓建劉季述殺通王滋等十一人

韓建奏諸王罷兵尚苞陰計願陛下聖斷不疑制於  
未亂上不報建乃與知樞密劉季述建勳發兵圍十  
六宅諸王被髮升屋呼曰宅家救兒建盡殺之以謀  
反聞胡氏曰御得其道則昆蟲草木無札瘥天關之  
患不然而一身無所容於天地之間況妻子哉古之明  
君所以不敢不敬德不敢不教子不敢用小人不敢  
失大柄為易世之後未流之若此也  
唐室至此豈非祖宗貽謀有未孫歟集覽宅家稱天  
光宅天下三王家天下李濟翁資暇集曰至尊以天  
下為宅四海為家故曰宅家札瘥天關左傳札瘥天

### 欽定四庫全書

御批資治通鑑綱目  
卷五十三

三

昏注大疫曰札小疫曰瘥短折曰夭未名曰昏莊子  
背負青天而莫之夭閼疏云天折也閼者壅塞無生  
氣也瘥才何反閼於葛反祖宗詒謀有未孫歟詩文  
王有聲詒厥孫謀以燕翼子文公傳曰詒遺也武王  
以善謀遺及其孫則子亦可以無事矣此云未  
孫者謂未能遠謀及孫故致未流之若此也  
正誤  
祖宗詒謀有未孫歟今按讀未孫為子孫之孫不成  
文理朱子詩傳以詒厥孫謀為子孫固是但胡氏則  
本舊註以孫為孫順之義音選集  
覽之泥而不達如此可笑也已

祭明韓建藩臣也季述閹奴也通王滋等皇子也  
此極矣比而觀之則知昭宗不  
用克用討賊之策尤可恨也

### 九月李克用攻幽州劉仁恭與戰敗之

初李克用取幽州表劉仁恭為節度使留戍兵及腹  
心將千人與其機要租賦供軍之外悉輸晉陽及上  
幸華州克用徵兵於仁恭以入援仁恭辭以契丹入  
寇不出兵克用移書責之仁恭抵書慢罵囚其使者  
克用大怒自將擊之仁恭遣其將單可及引兵逆戰  
克用方飲酒前鋒白賊至矣克用醉曰可及輩何足  
為敵亟命擊之是日大霧幽州將楊師侃伏兵於木  
瓜澗河東兵大敗克用醒而後知之責諸將曰吾以  
醉廢事汝曹何不力爭仁恭奏討克用詔不許仁恭  
又遣使謝克用克用復書畧曰公仗鉞控兵理民立  
法擢士則欲其報德選將則望彼酬恩已尚不然人  
何足信僕料猜防出於骨月嫌忌生於屏帷持干將  
而不敢授人捧盟集覽干將注見玄宗天寶六載盟  
盤而何詞著誓盤禮記涖牲曰盟疏云割牲  
左耳盛以珠盤玉敦用血為盟書實實木瓜澗一統  
書成乃歃血讀書敦音堆孟也志云在蔚州

南一百五十里廣昌  
縣境內今屬大同府

冬十月以韓建為鎮國匡國節度使質實

鎮國一統志云唐之軍名

治華州五代梁改威化軍唐復為鎮國軍宋改為鎮潼  
軍金改為金安軍元復為華州本朝因之屬西安府匡國  
唐之軍名治同州五代梁改忠武軍後唐復為匡國軍  
宋改定國軍屬永興路金屬京兆府元仍為同州本朝  
匡之屬

西安府

○詔削奪李茂貞官爵姓名發兵討之復以王

建為西川節度使○王建克梓州顧彥暉自殺

初建與彥暉五十餘戰蜀州刺史周德權言于建曰東  
川羣盜多據州縣彥暉皆啗以厚利恃其救援故堅  
守不下若遣人諭賊帥以禍福來者賞之以官不服  
者威之以兵則彼反為我用矣建從之彥暉勢益孤

至是建攻梓州益急彥暉自殺建入梓州  
城中兵尚七萬人建以王宗滌為留後

# 朱全忠擊楊行密戰于清口全忠大敗

朱全忠既得兗鄆甲兵益盛乃大舉擊楊行密遣龐  
師古壁清口葛從周壁安豐全忠自將屯宿州行密  
與朱瑾將兵三萬拒之師古營於清口或曰營地汙  
下不可久處不聽朱瑾壅淮上流欲灌之或以告師  
古以為惑衆斬之瑾以五千騎引度趣其中堅士卒  
倉黃拒戰淮水大至汴軍駭亂行密督大軍夾攻之  
汴軍大敗斬師古從周奔還行密瑾乘勝追擊之殺  
溺殆盡還者不滿千人全忠亦奔還行密大會諸將  
謂副使李承嗣曰始吾欲先趣壽州副使云不如先  
向清口師古敗從周自走今果如所料賞之錢萬緡  
表領鎮海節度行密待承嗣史儼甚厚第舍姬妾咸  
選其尤者賜之故二人皆為行密盡力屢立功行密

由是遂保據江淮質實清口一統志云清河口也在淮  
全忠不能與之爭質實安府城西五十里安豐漢之

縣名屬六安國東漢屬揚州晉屬淮南郡宋齊梁隋  
皆因之唐屬壽春府五代唐廢之今為安豐鄉故址

在鳳陽府壽  
州南六十里

# 立淑妃何氏為皇后

## 書法

唐自代宗始無書立后者  
於是復書亦自是終矣

# ○十二月威武節度使王潮卒

王潮以弟審知為觀察副使有過猶加捶撻審  
知無怨色潮寢疾捨其子命審知知軍府事

# 南詔驃信舜化上書

南詔上書朝廷欲以詔書報之王建言小夷不足辱  
詔書臣在西南彼必不敢犯塞徙之黎雅間有淺蠻  
三部歲賜繒帛使覘南詔而蠻反受南詔賂訶成都  
虛實陰與大將相表裏節度使或失大將心則教諸  
蠻紛擾建絕其賜斬押牙山行章以懲集覽驃信  
之邛崃之南不置障戍蠻亦不敢侵盜驃信  
乃夷語華言君也舜化其君之名黎雅俱屬成都黎  
古笮都也漢武置沈黎郡後周置黎州雅注見大順  
元年詔休正反質實黎雅二州名按一統志黎州後  
伺候采察之名質實周之所置治沈黎縣尋廢隋復  
置縣及登州大業初廢州以縣屬臨邛郡後省之唐  
復置黎州五代時前後蜀繼有其地宋屬成都路元  
屬吐蕃等處宣慰司本朝改為黎州安撫司隸四川  
道雅州西魏之所置治嚴道縣隋改為臨邛郡唐初  
復為雅州尋改廬山郡後復為雅州屬成都路五代  
時孟知祥置永平軍宋復為雅州屬成都路元初屬

嘉定路尋屬吐蕃宣慰司本朝  
省嚴道縣入州改屬四川道

貶張道古施州司戶考異

施上漏  
為字

右拾遺張道古上疏言國家有五危二亂陛下登極  
十年而曾不知為君馭臣之道先朝封域日蹙幾盡  
臣雖微賤竊傷陛下朝廷社稷始為姦臣所弄終  
為賊臣所有也上怒貶之仍下詔罪狀宣示諫官

戊午光化元年春正月詔復李茂貞姓名官爵罷諸道兵

書法

書詔病昭宗也其病之何茂貞之跋扈昭宗  
有以甚之也一犯闕矣以謝罪免之故至於

再犯闕既命孫偓致討矣已而又以請罪免之藩  
臣而敢于一再犯闕其請罪豈真誠哉乃欲移之  
西川使覃王代其任此令果能行於茂貞乎其不  
受代可知也則又悻悻然削奪官爵發兵討之未

及奏功而尋有復爵罷兵之詔矣舉措如此  
宜茂貞有以易而悔之也故綱目備書之

### ○以韓建為修宮闕使

初李茂貞以數出兵救東川不暇東逼乘輿詐稱改  
過又聞朱全忠營洛陽宮累表迎駕與建皆懼請修  
復宮闕奉上歸長安詔以建為修宮闕使建及茂貞  
皆致書于李克用請和仍乞丁匠助修宮室克用許  
之

### 三月以朱全忠為宣武宣義天平節度使質實

宣武一  
統志云

唐之軍名治汴州五代梁都於此號東京開封府唐晉  
漢周及宋皆因之金初改為汴京後復遷都焉元初改  
為汴梁路本朝仍改為開封府隸河南道宣義軍名注  
見懿宗咸通十年義成軍天平軍名注見憲宗元和七



年

朱全忠遣副使韋震入奏求兼鎮天平朝廷未之許震爭之力不得已從之

### 以馬殷知武安留後

時湖南管内多為羣盜所據殷得潭邵二州而已

### 劉仁恭取滄景德州

義昌節度使盧彥威性殘虐與仁恭爭鹽利仁恭遣其子守文將兵襲之彥威奔汴州仁恭遂取滄景德州三州以守文為留後兵勢甚盛有并吞河朔之志為守文求旌節未許會中使至范陽仁恭語之曰旌節吾自有之但欲得長安本色質實義昌軍名注見隋爾何為見拒其悖慢如此恭帝義寧二年景

郡城

夏四月朱全忠會幽州魏博兵擊李克用敗之拔洺邢

磁州○秋八月車駕至長安○遣使宣慰河東宣武

上欲藩鎮輯睦以太子賓客張有孚為河東  
汴州宣慰使和解之克用欲奉詔全忠不從

九月錢鏐克蘇州

錢鏐使顧全武攻蘇州城中食盡淮南所署刺史秦  
城走獨秦裴守崑山不下全武率萬餘人攻之裴屢  
出戰復斬侮全武全武怒益兵攻城引水灌之城壞  
乃降羸兵不滿百人鏐怒曰單弱如此何敢久為旅  
拒對曰裴義不負楊公今力屈而降爾鏐善  
其言顧全武亦勸宥之時人稱全武長者  
集覽  
海新

左傳莊十一年宋公靳之杜預曰戲而相愧曰靳所負服虔曰耻而惡之曰靳旅拒注見憲宗元和四年所負

實

崑山一統志云梁之縣名屬會稽郡以山為名隋屬吳郡唐屬蘇州宋屬平江府元陞為崑山州本

朝初仍為崑山縣改屬蘇州府

魏博節度使羅弘信卒

軍中推其子紹威為留後

以王審知為威武節度使。冬十月王珙殺前常州刺史

史王祝

祝性剛介有時望詔徵之時人以為且入相過陝節度使王珙延奉甚至請叙子姪之禮祝固辭珙怒使

送者殺之以覆舟  
集覽 祝昌  
聞朝廷不敢詰  
六反

十一月以羅紹威為魏博節度使。十二月李罕之據

潞州朱全忠表為節度使

李克用之平王行瑜也李罕之求帥邠寧克用曰行瑜恃功邀君故吾與公討而誅之昨破賊之日吾首奏趣蘇文建赴鎮今遽二三朝野之論必謂吾輩復如行瑜所為也俟還鎮當更為公論功爾罕之不悅復求小鎮養疾克用亦不許罕之鬱鬱及昭義節度使薛志勤薨罕之擅引澤州兵夜入潞州據之克用怒遣人讓之罕之遂請降于朱全忠克用遣李嗣昭將兵討之嗣昭先取澤州收罕之家屬送于晉陽全忠表罕之為昭義節度使

己未二年春正月崔胤罷以陸扈同平章事。劉仁恭屠

貝州三月朱全忠遣兵擊敗之遂攻河東大敗而還

仁恭發幽滄等十二州兵十萬欲魚河朔攻拔貝州城中萬餘戶盡屠之由是諸城各堅守不下仁恭進攻魏州節度使羅紹威求救于朱全忠全忠遣李思安將兵救魏仁恭遣守文及單可及將精兵五萬擊之思安伏兵逆戰陽卻守文逐之伏發大敗之斬可及殺獲三萬人守文僅以身免可及驍將也燕軍由是喪氣時葛從周將精騎已入魏州仁恭攻館陶門從周出顧門者闔扉死戰仁恭復大敗燒營而遁仁恭自是不振而全忠益橫矣從周乘勝攻河東拔承天軍別將氏叔琮拔遼州李克用遣周德威擊之叔琮有驍將陳章號陳夜叉請于叔琮曰河東所恃者周楊五請擒之求一州為賞克用聞之以戒德威德

威曰彼大言爾戰于洞渦德威微服往挑戰謂其屬曰汝見陳夜叉即走章果逐之德威奮鐵搥擊之墜馬生擒以獻因擊叔琮集覽顧門者闔扉為句門者大破之從周亦引還閨人也闔閉也扉戶扇也既出城復回顧之令其閉戶以示士卒有進無卻氏叔琮氏姓也叔琮其名也氏上紙反琮祖宗反

質實

洞渦按一統志云河名源出山西太原府樂平縣西四十里徙泉嶺至平定州合浮化水西流

至壽陽縣界入黑水經榆次合涂水又西至徐溝縣入汾水

夏六月以丁會為昭義節度使

從朱全忠之請也

保義軍亂殺節度使王珙

次定四軍全書

御批資治通鑑綱目

珙性猜忌雖妻子親近常不自保至是為麾下所殺  
推都將李璠為留後都將朱簡復殺璠而代之附於  
朱全忠改名友  
謹預于子姪

### 秋七月馬殷拔道州

殷遣李唐攻道州賊帥蔡結伏兵于隘擊破之唐曰  
蠻所恃者山林爾乃因風燭林光燭天地羣蠻驚遁  
遂拔道州  
擒結斬之

### 八月李克用拔潞州

先是克用遣李君慶圍潞州朱全忠遣張存敬救  
之君慶解圍去克用誅君慶以李嗣昭代之李罕之  
死全忠使賀德倫守潞州嗣昭日以鐵騎環其城捕  
芻牧者附城三十里禾黍皆刈之德倫宵遁克用表

孟遷為  
留後

九月以李茂貞為鳳翔彰義節度使

庚申三年春二月李克用治晉陽城

李克用大治晉陽城塹押牙劉延業諫曰大王聲振華夷宜揚兵以嚴四境不當近治城塹損威望而啟寇心克用謝之賞以金帛

夏四月朱全忠遣兵圍滄州

全忠遣葛從周將兵擊劉仁恭拔德州圍滄州仁恭復遣使求救于河東李克用遣周德威將五千騎以救之



六月以崔盾同平章事殺司空同平章事王搏

王搏明達有度量時稱良相上素疾樞密使宋道弼景務修專橫崔盾日與上謀去之由是南北司益相憎疾各結藩鎮以相傾搏恐其致亂從容言于上曰人君當務明大體無所偏私宦官擅權之弊誰不知之顧其勢未可猝除宜俟多難漸平以道消息願陛下言勿輕泄以速姦變盾聞之諧搏為道弼輩外應上疑之及盾罷相意搏排已恨之遺朱全忠書使表論之上不得已召盾復相之貶搏崖州司戶流道弼驩州務修愛州皆賜自盡於是盾專制朝政勢震中外宦官皆側目胡氏曰昭宗在位十有二載其人才可知已久矣王搏為相累年未聞有所匡益獨此數言足以掄其急促之禍已為崔盾所擠置之死地然則搏亦賂于度君而冒于居位矣當是時也惟貴戚之卿與世受國恩者無潔身之義自餘去之可也

集覽

摶徒官反暗于度君  
暗昏昧也度謀也

秋七月李克用遣兵攻邢洺以救滄州汴軍敗還○九

月以徐彥若為清海節度使質實

清海節度注見晉武帝太康元年交州

崔胤以彥若位在已上惡之彥若亦自求引去時藩鎮皆為強臣所據惟嗣薛王知柔在廣州乃求代之

崔遠罷以裴贇同平章事○朱全忠攻鎮州

朱全忠以王鎔與李克用交通伐之鎔懼遣判官周式詣全忠請和曰鎮州密邇太原困于侵暴王公與之連和乃為百姓故也今明公果能為人除害則天下誰不聽命若但窮威武則鎮州雖小城堅食足明公雖有十萬之衆未易攻也全忠笑曰與公戲爾乃遣使入見鎔鎔以其子為質全忠引還

朱全忠取瀛景莫州

成德判官張澤言于王鎔曰河東勅敵也今雖有朱氏之援譬如火發于家安能俟遠水乎彼幽滄易定猶附河東不若說朱公乘勝魚服之使河北合而為一則可以制河東矣鎔復遣周式往說全忠全忠喜遣張存敬擊劉仁恭拔瀛景莫三州胡氏曰張澤為王鎔謀若智而愚舍近附遠一愚也舍忠功附姦賊二愚也反覆棄言三愚也說朱公合河北之勢則於成德何私馬四愚也澤之意特以朱彊李弱為向背爾以彊弱為向背而不論義理非守國之善計也

馬殷取桂州

靜江軍節度使劉士政遣副使陳可璠屯全義嶺以備馬殷殷遣李瓊等將兵擊之可璠掠縣民耕牛宰

犒軍縣民怨之為瓊鄉導以禦秦城擒可璠集覽靜  
遂圍桂州士政出降桂宜巖柳象五州皆降

軍注見秦始皇三十所貢實秦城一統志云在桂林府  
三年桂州注同上年所貢實興安縣西南四十餘里秦

始皇所築以限百越宜唐之州名治龍水縣天寶初  
改為龍水郡屬嶺南道乾元初復為宜州五代時為

楚馬氏所有後屬南漢宋平嶺南仍為宜州屬廣西  
路宣和初置慶遠軍節度咸淳初改慶遠府元至元

中改置慶遠路本朝初復為慶遠府直隸廣西道柳  
唐之州名治馬平縣天寶初改龍城郡乾元初復為

柳州先化後為楚馬氏所據五代時屬南漢宋初仍為  
柳州屬廣南西路咸淳初徙治柳城縣之龍江元至

元中改置柳州路本朝初改為柳州府徙治馬平縣  
直隸廣西道象隋之州名治馬平縣大業中廢州別

置象縣屬始安郡唐初復置象州治陽壽縣天寶初  
改為象郡乾元初復為象州元初改為象州路後復

欽定四庫全書

卷五十三

為象州本朝因之以陽  
壽縣省入屬柳州府

朱全忠遣兵攻定州義武節度使王郜奔晉陽

張存敬攻定州王郜遣兵馬使王處直將兵數萬拒  
之處直請依城為柵俟其師老而擊之孔目官梁汶  
曰昔幽鎮合兵三十萬攻我于時我軍不滿五千一  
戰敗之今存敬兵不過三萬我軍十倍于昔奈何示  
怯欲依城自固乎郜乃遣處直逆戰大敗郜奔晉陽  
軍中推處直為留後存敬進圍定州朱全忠至城下  
處直登城呼曰本道事朝廷盡忠於公未嘗相犯何  
為見攻全忠曰何故附河東對曰封疆密邇且婚姻  
也今請改圖全忠許之處直以縉帛十萬犒師全忠  
乃還仍為處直表求節鉞劉仁恭遣其子守光將兵  
救定州全忠遣張存敬襲之殺六萬  
餘人由是河北諸鎮皆附於全忠

十一月申尉劉季述幽上於少陽院而立太子裕考異

述下漏等字  
上當作帝  
考證  
中尉當作宦  
者上當作帝

自宋道弼景務修死宦官皆懼中尉劉季述王仲先  
樞密王彥範薛齊偓等陰相與謀曰主上輕佻變詐  
難奉事專聽任南司官吾輩終罹其禍不若奉立太  
子引岐華兵控制諸藩誰能害吾哉至是上獵苑中  
夜醉歸手殺黃門侍女數人明旦日加辰巳宮門不  
開季述帥禁兵千人破門而入具得其狀出謂崔胤  
曰主上所為如是豈可理天下廢昏立明自古有之  
為社稷大計非不順也胤不敢違季述召百官陳兵  
殿廷作盾等狀請太子監國胤及百官皆署之將士  
大呼入思政殿上驚起季述等出狀白之曰此非臣  
等所為皆南司衆情不可遏也即扶上與何后同輦  
嬪御纔十餘人適少陽院季述以銀撾畫地數上曰

某時某事汝不從我言其罪一也如此數十不止乃手鎖其門鎔鐵錮之遣兵圍之穴墻以通飲食上求錢帛紙筆皆不與公主嬪御無衣衾號哭聞于外季述迎太子入宮墻詔立之以上為太上皇加百官爵秩將士優賞凡宮人左右為上所寵信者皆擄殺之胡氏曰在易困有亨道苟有劉中之德致其誠意求在下之賢必有應者故困阨于前而受福于後也昭宗德非劉中心無誠意卞急譙譙昧徐有說之義是以終于困而已也當是時國家之勢如積薪在炎火之上累卵在頽石之下尚何心于馳騁田獵樂飲而沉醉也左右宦官伺釁日久又以譟怒促之能無少陽之辱乎○崔胤密致書朱全忠使與兵圖反正進士李愚客游華州上韓建書曰明公居近閭重鎮君父幽辱坐視凶逆而忘勤王之舉僕所未諭也一朝山東侯伯倡義連衡鼓行而西明公欲求自安其可得乎不如馳檄四方諭以逆順軍聲一振則元兇破膽旬浹

之間二豎之首傳于天下計無便于此者建雖不能用厚待之愚豎辭而去胡氏曰李愚自為進士時已有遠見忠謀宜終為世用也惜其所告非所當告爾韓建前日肆其凶悖今日豈能率義乎不可與言而與之言失言愚于是為不知矣○全忠在定州聞亂而還季述遣其養子希度詣全忠許以唐社稷輸之全忠猶豫未決副使李振獨曰王室有難霸者之資也公為唐桓文安危所屬官豎因廢天子不能討何以復令諸侯且幼主位定則天下之權盡歸官官矣全忠大悟即囚希度遣親吏蔣玄暉如京師與崔胤謀之

**集覽** 擄殺擄通作榜漢書劉伯莊注榜蒲庚反答擊也在易困有亨道易困亨注困窮也窮必通也處窮而不能自通者小人也卞急譙譙春秋魯莊公卞急而好潔注卞躁疾也言性躁急也譙音茲消反字當作焦荀子以己之焦焦受人之域域注焦音焦焦明察也域與惑通昏迷也時徐有說之義昧



不明了也易困卦九五困于赤紱乃徐有說注致物之功不在于暴故曰徐也困而後乃徐徐則有說矣伊川傳曰人君之困由上下無與也赤紱臣下之服取行來之義故以紱言人君之困以天下不來也天下皆來則非困也五雖在困而有剋中之德下有九二剋中之賢道同德合餘必相應而來共濟天下之困是始困而徐有喜說也人君之在困時宜念天下之困求天下之賢若祭祀然致其誠敬則能致天下之賢濟天下之困矣熒怒吳皮器反亦怒也詩蕩篇內夷于中國注云不醉而怒曰熒連銜銜讀與橫同注見周安王十五年從橫

發明

唐自憲宗以來為宦官所殺者二君所立者七君昭宗輕佻猜急固足取禍然此輩視置

君如奕棋已非一日是時昭宗手殺黃門侍女數人至于日加辰巳宮門不開皆憲敬兩朝之所無

者萬一羣閥舉行陳宏志劉克明故事則將若何  
惟二人不免于前故季述等猶有所畏于後遂用  
傳授之說行其幽廢之謀綱目特揭中尉書之所  
以見宦人之禍一至于此而唐朝公卿百執亦無  
一人敢與之抗者  
豈不深可歎哉

辛酉天復元年春正月朔神策指揮使孫德昭等討劉季

述等皆伏誅上復于位黜太子裕為德王考異

上當作  
帝于字

義按晉永寧元年  
書帝復位無于字

神策指揮使孫德昭自季述等廢立常憤惋不平崔  
胤聞之遣判官石晉說之曰今反者獨季述仲先爾  
公誠能誅此二人迎上皇復位則富貴窮一時忠義  
流千古苟狐疑不決則功落他人之手矣德昭曰相

公有命不敢愛死遂結右軍都將董彥弼周承誨謀以除夜伏兵安福門外以俟之正旦仲先入朝德昭擒斬之馳詣少陽院叩門呼曰逆賊已誅請陛下出勞將士何后不信曰果爾以其首來德昭獻其首上乃與后毀扉而出崔胤迎上御長樂門樓帥百官稱賀周承誨擒劉季述王彥範繼至方詰責已為亂梃所斃薛齊偓赴井死出而斬之滅四人之族并誅其堂二十餘人上曰裕幼弱非其罪黜為德王賜德昭姓名李繼昭承誨姓名李繼誨彥弼亦賜姓名皆以使相留宿衛賞賜傾府庫時人謂之三使相上寵待胤益厚朱全忠由是亦益重李振

集覽

使相唐制節度使兼平章事者曰使相

書法

太子書廢多矣未有書黜者此其書黜何季述所帝也以為有罪則季述迫之以為無罪

則為逆臣所立也故特書黜綱目之權衡審矣終綱目書廢太子十一廢書以者一書黜者一詳周

報王十六年為臣所廢者不與焉晉太子單

發明

季述之逆公卿在位既不能為有無至于討賊返正又復出于北司則是君存君亡視若

秦越亦將焉用彼相哉觀之綱目所書則可見矣

進朱全忠爵為東平王李茂貞為岐王○以韓全誨張

彥弘為中尉袁易簡周敬容為樞密使考異

以字下漏宦者二字

敕近年宰相延英奏事樞密使侍側爭論紛然撓權亂政自今並依大中舊制侯宰相奏事畢方得升殿承受公事崔胤陸扆上言禍亂之興皆由中官典兵乞令胤主左軍扆主右軍則諸侯不敢侵陵王室尊矣上召李繼昭等謀之皆曰臣等累世在軍中未聞書生為軍主若屬南司必多所變更不若歸之北司

為便于是復以官者為中尉又徵前樞密使嚴遵美為兩軍中尉觀軍容處置使遵美曰一軍猶不可為况兩軍乎固辭不起庠以官官終為肘腋之患欲以外兵制之會李茂貞入朝庠諷茂貞留兵宿衛以假子繼筠將之諫議大夫韓偓以為不可曰留此兵則家國兩危不留則家國兩安庠不從范氏曰劉季述劫太子而幽帝宦者皆預其謀昭宗不能因天下讐疾之心窮治逆黨奪其兵柄歸之將相而以亂易亂復任宦者既赦而不問又稍以法誅之至使反側不安外結藩鎮以致劫遷之禍由絕惡不除其本而大信不立故也昔陽貨作亂于魯囚季桓子劫其國君春秋書之曰盜若季述等家臣賤人不得曰廢立為唐史者宜書曰盜則名實正矣胡氏曰崔庠之言其心雖私其策則是家宰六卿之長于事無所不統况兵權有國之司命而可不預知乎然不當分為左右通掌可也彼三武夫固北司之隸也夫豈足以謀乎

集覽

撓權撓擾亂也漢書撓楚權注撓女教反弱也字或從木陽貨作亂于魯左傳定五年九月陽

虎囚季桓子及公父文伯而逐仲梁懷十月殺公何藐

書法

中尉樞密綱目間書之矣未有如此其備也此其備書何惜之也曷為惜之于是四逆既

誅崔陸獻策可以從之矣而謀于武卒復用宦者此機一失激為南北角立之勢卒之崔胤外召朱溫而唐遂亡矣故備書惜之

二月朱全忠取河中晉絳等州執王珂以歸殺之

朱全忠既服河北欲取河中以制河東遣張存敬將兵三萬襲之而自以中軍繼其後晉絳不意其至皆降全忠留兵守之以扼河東援兵之路珂告急於李克用克用兵不得進報曰不若舉族歸朝珂又遣李

欽定四庫全書

御批資治通鑑綱目

十八

茂貞書言天子詔藩鎮無得相攻今朱公不顧詔命  
首興兵相如河中若亡則同華邠岐俱不自保天子  
神器拱手授人矣公宜亟帥關中諸鎮兵固守潼關  
赴救河中關中安危國祚脩短繫公此舉茂貞不報  
存敬園河中王珂欲奔京師而人情離貳不復能出  
遂請降全忠馳赴之至虞鄉哭重榮墓盡哀河中人  
皆悅珂欲面縛全忠止之曰太師舅之恩何可忘若  
郎君如此僕異日何以見舅於九泉乃以常禮出迎  
全忠表張存敬為留後珂舉質實虞鄉一統志云西  
族遷于大梁後全忠竟殺之質實魏之縣名屬蒲州  
隋唐宋金俱仍舊元省之故址  
在平陽府臨晉縣南六十五里

以王溥裴樞同平章事○三月朱全忠遣兵攻河東取

沁澤潞遼等州

李克用遣使請好於全忠全忠忽其書辭寔傲遣氏叔琮等分道攻之沁澤潞遼等州皆降別將白奉國會成德兵自井陘入拔承天叔琮等兵抵晉陽城下克用登城備禦不遑飲食時大雨積旬芻糧不給士卒瘡痍全忠乃召兵還周德威李嗣昭以精騎躡之殺獲甚衆

### 夏五月以朱全忠為宣武宣義天平護國節度使

全忠奏乞除河中節度使而諷吏民請已為帥

書法

前書為宣武宣義天平節度矣於是兼帥河中則其再序三鎮何譏也兼領四鎮惟子儀

足當之以授全忠尾大甚矣故備書譏之

### 李茂貞入朝



初楊復恭借度支賣麪之利一年以贍軍而不復歸至是崔盾欲抑宦官罷之令酤者自造而月輸錢度支并近鎮亦禁之李茂貞惜其利表乞入朝論奏韓全誨請許之茂貞至京師全誨深與相結崔盾始懼益厚朱全忠而與茂貞為仇敵矣

### 六月解崔盾鹽鐵使

上之返正也中書舍人令狐渙給事中韓偓皆預其謀拔擢為翰林學士時上悉以軍國事委崔盾宦官側目盾欲盡除之韓偓曰事禁太甚此輩亦不可全無恐其黨迫切更生他變盾不從上獨召偓問之對曰東內之難救使誰非同惡處之當在正旦今已失其時矣上曰當是時卿何不為崔盾言之對曰陛下詔書云四家之外餘無所問夫人主所重莫大於信既下此詔則守之宜堅若復戮一人則人人懼死矣

然後來所去已為不少此其所以恟恟不安也今不  
若擇其尤無良者數人明示其罪寘之于法然後撫  
諭其餘擇其忠厚者使為之長有善則獎有罪則懲  
則咸自安矣此曾在公私者以萬數豈可盡誅邪夫  
帝王之道當以重厚鎮之公正御之至於瑣細機巧  
此機生則彼機應矣終不能成大功所謂理絲而棼  
之者也況今朝廷之權散在四方苟能先取此權則  
事無不可為者矣上深以為然曰此事終以屬卿  
復請盡誅宦官但以宮人掌內諸司事宦官乃求美  
女知書者數人內之宮中陰令詞察其事盡得  
謀日夜謀所以去盾者時盾領三司全誨等教禁軍  
對上諛譟訴盾減損冬衣上不得已解盾鹽鐵使時  
朱全忠李茂貞各有挾天子令諸侯之意盾知謀  
泄事急遺全忠書稱被密詔令全忠以兵迎車駕  
集覽令狐複姓元和姓纂云周文王子畢公高之後封  
令狐因氏焉左傳文七年晉敗秦師于令狐即此

地注令狐在河東正義曰令音零括地志云故城在蒲州猗氏縣處之當在正旦正旦日孫德昭殺劉季述等今韓偓謂何不於彼時一就處置之理絲而焚之焚符分反亂也左傳夫治亂國猶治絲而焚之

書法

特筆也自是崔胤始懼而召全忠矣故特書之

冬十月朱全忠舉兵發大梁

初韓全誨等懼誅謀以兵制上乃與李繼昭繼誨彥弼及神策指揮使李繼筠深相結繼昭獨不肯從他日韓偓因對及之上曰是不虛矣令狐渙欲令朕召胤及全誨等于內殿置酒和解之何如對曰如此則彼凶悖益甚獨有顯罪數人速加竄逐餘者許其自新庶幾可息若一無所問彼必知陛下心有所貯益不自安事終未了爾上曰善既而宦者自恃黨援已成稍不遵敕旨或使監軍守陵皆不行上無如之何

朱全忠得崔胤書自河中還大梁發兵上聞之急召韓偓謂曰聞全忠欲來除君側之惡大是盡忠然須令茂貞共其功恐兩帥交爭則事危矣卿語崔胤速飛書兩鎮使合謀又謂偓曰繼誨彥弼輩驕橫益甚對曰茲事失之于初當其立功之時但應以官爵田宅金帛酬之不應聽其出入禁中也且崔胤本留岐兵欲以制敕使也今敕使衛兵相與為一汴兵若集來必與鬪于闕下臣竊寒心十月全忠兵發大梁

覽

或使監軍守陵本作或使出監軍或黜守諸陵

發則

全忠是時已有移國之勢然崔昌遐召之欲誅宦官故綱目亦止書其舉兵發大梁而不

書其向闕之罪也

楊行密遣兵攻杭州擒其將顧全武

楊行密遣李神福等將兵取杭州全武等列八寨以拒之神福聲言還師所獲杭倖走還者皆不追募遣羸兵先行而伏兵青山全武追之伏發被擒錢鏐聞之驚泣曰喪我良將既而久攻不拔神福欲歸恐為鏐所邀乃遣人守街鏐祖考邱壘又使顧全武通家信鏐遣使謝之神福受其犒賂而還既而行密遣全武歸以集覽以易秦裴先是錢質寶青山一統志云易秦裴鏐攻秦裴降之質寶在湖州府長興縣南六十里山有石竇通太湖及洞庭山冬月常暖色如黛青故名

十一月韓全誨等劫帝如鳳翔朱全忠取華州

韓全誨等聞全忠將至令李繼誨李彥弼等勒兵劫上請幸鳳翔上密詔崔胤曰我為宗社大計勢須西行卿等但東行也是日開延英全誨等復侍側同議政事李繼筠遣兵掠內庫寶貨法物全誨遣人密送

諸王宮人先之鳳翔全忠至河中表請車駕幸東都  
京師大駭上遣中使召百官皆辭不至全誨等陳兵  
殿前言于上曰全忠欲劫天子幸洛陽求傳禪臣等  
請奉陛下幸鳳翔收兵拒之上不許拔劍登乞巧樓  
全誨等逼上下樓李彥弼即于御院縱火上不得已  
與后妃諸王百餘人皆上馬慟哭而出李茂貞出迎  
上下馬慰接之遂入鳳翔全忠議引兵還張濬說之  
曰韓建茂貞之黨不取之必為後患乃引兵逼其城  
建單騎迎謁全忠以建為忠武節度使以兵送之車  
駕之在華州也商賈輻輳建重征之得錢九百萬緡  
至是全忠盡取之是時京師無天子行在無宰相崔  
胤等列狀請朱全忠西迎車駕全忠復書曰進則懼  
脇君之謗退則懷負國之慙然不敢不勉范氏曰崔  
胤本與韓全誨有隙故各倚彊藩以為外援而岐汴  
亦憑宦官宰相以制朝廷故胤召全忠而全誨劫帝  
西幸唐室之亡由南北司相吞滅而人主受其禍豈

不足為將來  
之永鑒哉

發明田令孜劫上如寶雞韓全誨劫帝如鳳翔其書法先後如一然僖宗失之昏淫昭宗失之

輕躁為失不同同歸于亂要皆出于  
宦官亂國之禍誠後王之龜鑑也

# 朱全忠引兵至鳳翔城東而還

朱全忠至長安宰相帥百官班迎至鳳翔軍于城東  
李茂貞登城謂曰天子避災非臣下無禮譏人誤公  
至此全忠報曰韓全誨劫遷天子今來問罪迎扈還  
宮岐王若不預謀何煩陳諭上屢詔全忠還鎮全忠  
乃拜表奉辭移兵北趣邠州節度使李繼徽請降復  
姓名楊崇本李茂貞以詔命徵兵河東李克用遣李  
嗣昭將五千騎趣晉州與汴兵戰于平陽北破之昭  
戎節度使馮行襲亦遣使聽命于全忠韓全誨遣中

使二十餘人分道徵兵皆為所殺全誨又徵兵於王建使王崇佶等將兵五萬聲言迎駕實襲山南諸州

**質實**

昭戎軍名按一統志唐乾元初所置治金州王建據蜀改為雄武軍宋初改為昭化軍紹興以

後屬利州路元初廢軍入州屬興元路本朝因之屬漢中府

**書法**

還者何順辭也全忠為胤所召稱兵西向以致全誨却遷綱目曷為不以犯闕書怒之也

其怒之何奉詔而還則猶知有王命矣是故其發也書舉兵其還也書還

以盧光啟參知機務崔胤裴樞罷○十二月清海節度

使徐彥若卒

彥若遺表薦  
劉隱權留後



# 江西節度使鍾傳取撫州

傳圍撫州天火燒其城士民譴驚諸將請急攻之傳曰乘人之危非仁也刺史危全諷聞之謝罪聽命

質實

撫州一統志云隋初所置治臨川縣唐初因之後改臨川郡尋復為撫州五代時楊吳置昭武

軍節度宋仍為撫州隸江南西路元置撫州路本朝改為撫州府隸江西道

壬戌二年春正月以韋貽範同平章事○二月李克用遣

兵攻慈隰逼晉絳朱全忠還河中遣兵擊之考異

提要  
攻作

取

先是朱全忠移軍武功嗣昭等攻慈隰以分其兵勢全忠遂還河中嗣昭等克二州進逼晉絳全忠遣兄

子友寧會氏  
叔琮擊之

盜發簡陵寶實

簡陵注見僖  
宗乾符元年

○三月汴兵圍晉陽

氏叔琮朱友寧進攻李嗣昭周德威營時汴軍橫陳  
十里而河東軍不過數萬德威戰敗叔琮友寧乘勝  
攻河東取慈隰汾三州圍晉陽攻其西門克用召諸  
將議走保雲州李存信欲入北虜嗣昭德威及李嗣  
源皆曰兒輩在此必能固守王勿為此謀搖人心劉  
夫人亦曰王常笑王行瑜輕去其城死于人手奈何  
效之且一足出城則禍變不測塞外可得至耶克用  
乃止居數日潰兵復集軍府浸安嗣昭嗣源數將敢  
死士夜入叔琮營斬首捕虜汴軍驚擾會大疫引兵  
還嗣昭與德威追之復取慈隰汾三州自是克用不  
敢與全忠爭者累年克用以貯糧繕兵脩城利害問  
于幕府掌書記李穀吉曰國富不在倉儲兵彊不由

衆寡霸國無貪主疆將無弱兵額大王崇德愛人去  
奢省役設險固境訓兵務農定亂者選武臣制禮者  
選文吏錢穀有司刑法有律誅賞由我則下無威福  
之弊近容多正則人無譖謗之憂如此則國不求富  
而自富不求安而自安矣至于率閭閻定間架增麴  
蘖檢田疇恐非開國建邦之切務也克用以封疆日  
感憂形于色存勗進言曰朱氏窮凶極暴人怨神怒  
今其極也殆將斃矣吾家代龍忠貞大人當遵養時  
晦以待其衰奈何輕為沮喪使羣下失望乎克用悅  
劉夫人無子克用寵姬曹氏生存勗幼警敏有勇畧  
劉夫人待厚集覽率閭閻率斂也閭閻里中門也德宗  
曹氏加厚集覽時行借錢令于諸道津會置吏閱富  
商錢每緡稅二十竹木茶漆稅十分之一定間架德  
宗時行稅間架法每屋兩架為一間上屋稅錢二千  
中屋稅一千下屋稅五百遵養  
時晦注見憲宗元和十二年

發明

克用自前攻邢洺救滄州之後遂不復見雖以少陽之變亦不能舉兵赴難至此遂困于

汴不克復振他時大盜移國拱手熟視蓋已兆于此矣直書于策蓋亦歎惜之也

### 以楊行密為行營都統賜爵吳王

上遣金吾將軍李儼宣諭江淮書御札賜楊行密令討朱全忠立功將士聽承制遷補然後表聞

### 回鶻遣使入貢

回鶻請發兵赴難上命韓偓答詔許之偓曰戎狄獸心不可倚信彼見國家人物華靡而甲兵凋敝必有輕中國之心且自會昌以來為國家所破恐其乘危復怨宜喻以小小寇竊不須赴難虛愧其意實沮其謀從之

夏四月盧光啟罷。五月朱全忠至東渭橋質實

東渭橋一

統志云在西安府城東北五十里漢高祖造以通櫟陽之道

崔胤詣河中泣訴于朱全忠請以時迎奉全忠與之宴胤親執板歌以侑酒全忠乃將兵五萬發河中

集覽

侑酒侑勸也侑通作宥左傳王享醴命之宥注宥助也所以助歡敬之意也

韋貽範罷

初上嘗與李茂貞及宰相中尉宴酒酣茂貞及韓全誨亡去上問韋貽範朕何以巡幸至此對曰臣在外不知上曰卿既以非道取宰相當以公事如法若有不可必准故事因怒目視之微言曰此賊當杖之二十貽範屢持大盃獻上上不即持貽範舉盃直及上頤至是遣母喪而罷

進錢鏐爵為越王。以蘇檢同平章事。

宦官薦翰林學士姚洎為相。洎謀于韓偓。偓曰：「若圖永久之利，則莫若未就為善。」儻出上意，固無不可。且汴軍旦夕合圍，孤城難保。家族在東，可不慮乎？洎乃移疾。李茂貞及宦官恐上自用，人協力薦檢。遂用之。

集覽

移疾，以病而移居也。漢書楊敞傳：「移病卧。」注：「移，文稱病而卧也。」唐書姚崇病居，移告注：「移就于」

外休暇

正誤

移疾，今按移文稱疾為是。

昇州刺史馮弘鐸襲宣州，敗走楊行密，取昇州。

馮宏鐸介居宣揚之間，自恃樓船之彊，不事兩道。至是，帥衆襲宣城、田頔，率舟師逆擊，破之。宏鐸收餘衆，將入海。楊行密遣使招之，署節度副使，館給甚厚。初，宏鐸遣牙將尚公迺詣行密，求潤州行密不許。公迺

大言曰公不見聽但恐不敵樓船耳至是行密謂公  
迺曰頗記求潤州時否公迺謝曰將吏各為其主但  
恨無成耳行密笑曰爾事楊史如馮公質實宣州注  
無憂矣行密以李神福為昇州刺史見代宗  
大歷元年潤州注見肅宗  
上元元年昇州注同上年

### 朱全忠圍鳳翔

李茂貞自將與朱全忠戰于虢縣之北大敗而還全  
忠攻鳳州拔之進軍鳳翔城下朝服向城而泣曰臣  
但欲迎車駕還宮耳不與岐質實虢縣一統志云隋  
王角勝也遂為五寨環之初所置屬翔州唐  
改屬岐州五代及宋金俱仍舊元省  
之故城在鳳翔府寶雞縣南六十里

### 書法

書圓何悖辭也全忠至  
是始不可得而恕矣

發明

去年十一月書韓全誨劫帝如鳳翔至是已  
歷三時宦官挾岐兵以劫天子崔昌遐召汴

軍以逼乘輿厥罪維均人主寄命其間朝不謀夕  
四海亦不聞有勤王之師蓋以羣閹濁亂衆所忿  
嫉故雖朱溫兇暴反以奉迎車駕為辭天討亦不  
得而加之此綱目所以止書全忠圍鳳翔者亦此  
意也然天子既在園中則全  
忠之罪又自不言可知矣

### 楊行密攻宿州不克

楊行密發兵討朱全忠欲以巨艦運糧徐溫曰運路  
久不行請用小艇庶幾易通軍至宿州會久雨重載  
不能進士有饑色而小艇先至行密由是奇  
溫始與議軍事攻宿州竟不克乃引兵還

### 秋八月兩浙軍亂



初孫儒死其士卒多奔浙西錢鏐愛其驍悍以為中軍號武勇都杜稜諫曰狼子野心他日必為深患請以土人代之不從鏐如衣錦軍命指揮使徐綰帥其衆以治溝洫衆有怨言謀殺鏐不果鏐命綰將所部先還杭州及外城縱兵焚掠左都許再思與之合進逼牙城鏐聞變微服乘小舟夜歸踰城入杜建徽自新城質實狼子野心左傳昭二十八年晉叔向欲娶入援質實申公巫臣氏生伯石始生姑視之及堂聞其聲而還曰是豺狼之聲也狼子野心非是莫喪羊舌氏矣遂不視

### 起復韋貽範同平章事

貽範之為相也多受人賂許以官既而以喪罷去日為債家所譟故汲汲于起復日遣人詣兩中尉樞密及李茂貞求之上命韓偓草制偓曰吾脫可斷此制不可草即上疏論之以為此必駭物聽傷國體中使

怒曰學士勿以死為戲僱以疏授之解衣而寢中使  
奏之上命罷草明日班定無白麻可宣宦官譁言韓  
侍郎不肯草麻茂貞入見曰陛下命相而學士不肯  
草麻與反何異上曰學士所陳事理明白若之何不  
從茂貞不悅而出語人曰我實不知書生禮數為貽  
範所誤貽範乃止至是竟起復貽範使姚洎草制貽  
範不讓即表

集覽

草麻文葉曰草草靱之本也起草  
注見德宗貞元二十一年麻注見

十一年  
白麻

發明

貽範姦邪小人昭宗深惡之而不能去之又  
不得不相之者制在宦人也是時汴兵圍逼

乘與李茂貞韓全誨欲與之角而所用之人  
乃如此則是不戰自屈矣于貽範乎何誅

王建取興元

西川軍請假道于興元節度使李繼密遣兵拒之戰  
敗奔還西川軍乘勝至城下王宗滌先登克之繼密  
請降得兵三萬騎五千詔以王宗滌鎮之宗滌有勇  
畧得衆心王建忌之王宗信等疾其功搆以飛語建  
召詰責之宗滌曰三蜀畧平大王聽讒殺功臣可矣  
建縊殺之成都為之罷市連營涕泣如喪親戚建以  
王宗賀權  
興元留後

### 九月李茂貞攻朱全忠營敗績

朱全忠以久雨士卒病議引兵歸河中指揮使高季  
昌劉知俊曰天下英雄竄此舉一歲矣今茂貞已困  
奈何捨去全忠患茂貞堅壁不出季昌請募人為謀  
入城誘致之騎士馬景請行會朱友倫發兵于大梁  
將至當出兵逐之全忠命諸軍秣馬飽士偃旗幟潛  
伏營中寂如無人景乃詐為逃亡入城告茂貞曰全

忠舉軍遁矣獨留傷病者近萬人守營請速擊之茂  
貞開門悉衆攻全忠營全忠鼓于中軍百營俱出縱  
兵擊之又遣數百騎據其城門鳳翔軍進退失據自  
蹈藉殺傷殆盡茂貞自是喪氣始議與全忠連和奉  
車駕還京矣茂貞盡出騎兵于鄴州就芻糧全  
忠穿蚰蜒壕圍鳳翔設犬鋪鈴架以絕內外  
犬鋪鈴架犬鋪猶今言狗鋪也軍中列置吏卒巡檢  
所止處設架懸鈴其間以絕行人五代晉高祖與契  
丹主會圍唐晋安寨置營于寨南長百餘里厚  
五十里多設鈴索吠犬人跬步不能過即此

王建取洋州○以李茂貞為鳳翔靜難武定昭武節度

使質實

鳳翔府名注見周顯王八年岐州靜難軍名注見漢桓帝延熹四年武定昭武二軍名未詳沿

草○田頽攻杭州

或勸錢鏐渡江東保越州以避徐許之亂杜建徽按劍叱之曰事或不濟同死于此豈可復東度乎顧全武曰聞綰等謀召田頵頵至則淮南助之不可敵也建徽曰孫儒之難王嘗有德于楊公今往告之宜有以相報鏐命全武告急楊行密且以子傳瑫為質綰等果召頵頵引兵赴之鏐謂之曰軍中叛亂何方無之公為節帥乃助賊為逆乎全武至集臨見徐許之難廣陵說行密行密許之以女妻傳瑫集臨見徐綰與許再思也孫儒之難在大順二年傳瑫錢鏐之子名瑫力弔反

冬十月楊行密建制敕院

李儼至揚州楊行密始建制敕院每有封拜輒以告儼于紫極宮玄宗豫前陳制書再拜然後下

王建取興州質實

興州注見晉懷帝永嘉四年畧陽

○朱全忠遣使奉

# 表迎車駕

朱全忠遣幕僚司馬鄴奉表入城獻食物繒帛復遣使請與茂貞連和脩宮闕迎車駕上亦遣使齎詔賜之鳳翔軍夜縋降汴軍者甚衆茂貞疑上與全忠有密約增兵防衛汴軍夜鳴鼓角城中地如動攻城者詬城上人云劫天子賊乘城者詬城下人云奪天子賊是冬大雪城中食盡凍餓死者不可勝計或卧未死肉已為人所剮市中賣人肉斤直錢百犬肉直五百茂貞儲儲亦竭以犬彘供御膳上鬻御衣及小皇子衣于市以充用

## 書法

獻帝之遷李惟書劫張濟書迎子濟也韓全誨書劫遷矣此書奉表迎其子全忠乎罪全

忠也曷為罪之表迎之使當于五月至鳳翔時也圓之六月内外阻絕人至相食自天子以下不免

因阨而後奉表請迎心乎勤王者同若是乎綱目  
先書圍後書奉表迎罪之也故王師範得書討

發明

汴兵圍鳳翔已四閱月乃始表迎車駕何哉  
是時鳳翔已困全忠知其可取故假是以欺

當時耳然則綱目何以書之曰綱目前書圍鳳翔  
既已見其圍逼之罪故此書迎車駕以著其欺偽  
之詞也不然來春還闕何不  
書全忠奉車駕還京師乎

十一月保大節度使李茂勳引兵救鳳翔朱全忠遣兵

取鄜坊茂勳降質寶

保大軍名注見肅宗乾元二年  
鄜州鄜坊二州名注同見上年

書法

華州之厄克用書入援此但書救鳳翔何誅  
意也茂勳此舉非心乎王室者為茂貞而已矣

○韋貽範卒

蘇檢數為韓偓經營入相言于茂貞及中尉樞密且遣親吏告偓偓怒曰公既不能為乃欲以此相汙邪

書法

唐臣不書官者四十舍是無卑不書官者矣

錢鏐拒擊田頔破之

田頔急攻杭州錢鏐拒擊破之楊行密亦使人召頔曰不還吾且使人代鎮宣州頔取鏐次子傳瓘為質將妻以女與徐綰許再思同歸宣州

十二月李繼昭詣朱全忠降

茂貞山南州鎮皆入王建闢中州鎮皆入全忠坐守孤城乃密謀誅宦官以自贖遺全忠書曰禍亂之興



皆由全誨僕迎駕至此以備他盜公既志匡社稷請公迎扈還官僕以敵甲彫弓從公陳力全忠復書曰僕舉兵至此以乘輿播遷公能協力固所願也上召李茂貞蘇檢李繼誨等食議與全忠和上曰十六宅諸王以下凍餒死者日有數人在內諸王及公主妃嬪一日食粥一日食湯餅今亦竭矣卿等意如何皆不對上曰速當和解耳鳳翔兵十餘人遮韓全誨罵之曰闔城塗炭正為軍容輩數人耳李繼昭謂全誨曰昔楊軍容破楊守亮一族今軍容亦破繼昭一族邪嫚罵之遂出降于朱全忠復姓符名道昭

集

覽

陳力陳試其才力軍容軍容之名始正誤陳力今自肅宗以宦官魚朝恩為觀軍容使

猶効力朱子論

語註陳布也

癸亥

二年春正月平盧節度使王師範將兵討朱全忠克

# 兗州

師範頗好學以忠義自許為治有聲迹全忠園鳳翔  
韓全誨以詔書徵藩鎮兵入援師範見之泣下霑衿  
曰吾屬為帝室藩屏豈得坐視天子困辱如此雖力  
不足當死生以之時闕東兵多從全忠在鳳翔師範  
分遣諸將詐為貢獻及商賈包束兵仗載以小車入  
汴徐諸州西至陝華期以同日俱發討全忠適諸州  
者多事泄被擒獨行軍司馬劉鄩取兗州時泰寧節  
度使葛從周將其兵屯邢州鄩帥精兵自水竇入據  
府舍拜從周母待其妻子以禮全忠判官裴迪守大  
梁師範遣走卒賫書至大梁見迪色動迪問知之不  
暇白全忠並請馬步都指揮使朱友寧將兵  
萬餘人東巡兗鄆召從周于邢州共攻師範  
軍名注見代宗大歷十年邢  
州注見楚義帝元年襄國

發明

全忠圍逼天子綱目書之無貶詞蓋以茂貞與宦者亦有劫遷之罪由是兩不直之至王

師範入援始書發兵討全忠則賊溫之惡著矣此曲直之繩墨也

李茂貞殺韓全誨等帝幸朱全忠營遂發鳳翔復以崔

胤為司空同平章事

李茂貞獨見上請誅全誨等與全忠和解奉車駕還京上喜即收全誨等斬之又斬李繼筠繼誨彥弼等十六人而以第五可範仇承坦為中尉王知古楊虔朗為樞密使遣韓偓及趙國夫人詣全忠營囊全誨等首以示之曰歸來賜留車駕不欲協和皆此曹也今朕與茂貞決意誅之卿可曉諭諸軍以豁衆憤全忠遣判官李振奉表入謝而圍猶未解茂貞疑崔胤教全忠必欲取鳳翔白上急召胤令帥百官赴行

在賜詔六七盾竟不至全忠亦以書召之盾始來鳳翔乃啟城門茂貞請以其子侃尚平原公主蘇檢女為景王妃以自固上皆從之時鳳翔所誅宦官已七十二人全忠又密令京兆捕誅九十人車駕幸全忠營全忠素服待罪頓首流涕上亦泣親解玉帶以賜之少休即行全忠命朱友寧將兵扈從駕至興平崔盾始帥百官迎謁復質實興平注見楚義以為相領三司如故

書法

全誨初遷天子大惡也於是茂貞有請上喜收斬之則國討也昌為以茂貞殺書全誨本

侍茂貞故敢縱橫是使全誨至于劫遷者茂貞也綱目書曰茂貞殺若曰殺全誨者茂貞云爾

發明

全誨初辱天子擢髮不足以盡其罪然茂貞初與之合以召汴兵之逼及事窮勢極乃始

請而誅之故綱目特以茂貞殺之為文而非謂閹奴無可誅之罪此固書法之意也

車駕至長安大誅宦官以崔盾判六軍十二衛事

車駕入長安崔盾奏以宦官典兵預政傾危國家不  
剪其根禍終不已請悉罷內諸司使其事務盡歸之  
省寺諸道監軍俱召還闕下上從之全忠遂以兵驅  
第五可範已下數百人盡殺之冤號之聲徹于內外  
其出使外方者詔所在誅之止留黃衣幼弱者三十人  
以備洒掃自是宣傳詔命皆令宮人出入其兩軍八  
鎮兵悉屬六軍以崔盾兼判六軍十二衛事司馬公  
曰宦者用權為國家患其來久矣蓋以出入宮禁人  
主自幼及長與之親狎非如公卿進見有時可嚴憚  
也其間復有性識佞利語言辯給善伺候顏色承迎  
志趣受命則無違忤之患使令則有稱慝之效自非  
上智之主燭知物情慮患深遠侍奉之外不任以事  
則近者日親遠者日疎甘言悲辭之請有時而從浸  
潤膚受之翹有時而聽于是黜陟刑賞之政潛移于

近習而不自知如飲醇酒嗜其味而忘其醉也東漢之衰宦官竄名驕橫然皆假人主之權憑依城社以濁亂天下未有能却脅天子如制嬰兒廢置在其手東西出其意如唐世者也所以然者非他漢不握兵唐握兵故也蓋其禍始于明皇盛于肅代成于德宗極于昭宗而唐之廟社因以丘墟矣為國家者可不慎其始哉夫寺人之官所以謹閨闈之禁通內外之言安可無也如巷伯之疾惡寺人披之事君鄭衆之辭賞呂彊之直諫曹日昇之救患馬存亮之弭亂楊復光之討賊嚴遵美之避權張承業之竭忠其中豈無賢才乎顧人主不當與之謀議進退士大夫使有威福足以動人耳果或有罪小則刑之大則誅之無所寬赦如此雖使之專橫孰敢哉豈可不察臧否不擇是非欲草薶而禽獮之能無亂乎是以袁紹行之于前而董卓弱漢崔杼解之于後而朱氏篡唐雖快一時之忿而國隨以亡是猶惡衣之垢而焚之患木

之靈而伐之其為害豈不益多哉

**集賢**

省寺三公所居曰省九卿所居曰寺應劭曰省府署也寺

嗣也理事者嗣續其中六軍十二衛注見玄宗開元十三年僦利僦慧利鉅也僦馨緣反徐廣曰僦謂察慧輕薄小才荀子鄉曲之僦子依憑城社容齋隨筆曰城狐不灌社鼠不燠謂其所棲定者得所憑依此古語也故議論者率指人君左右近習為城狐社鼠予嘗讀劉向說苑所載孟嘗君之客曰狐人之所攻鼠人之所燠臣未見城狐見攻社鼠見燠何則所託者然也巷伯之疾惡巷伯詩曰取彼譖人投畀豺虎豺虎不食投畀有北有北不受投畀有昊寺人孟子作是詩也文公傳曰巷是宮中道名秦漢所謂永巷也伯長也主宮內道官之長即寺人也蓋以譖被宮而為此官孟子其字也投棄畀與之而不食不受言譖讒之人物所共惡投畀昊天使制其罪此皆設言以見欲其死亡之甚也故記緇衣篇子曰好賢如緇

衣惡惡如荅伯寺人披之事君寺人內小臣也名披  
春秋作勃鞞韋昭曰晉獻公寺人披字伯楚於文公  
時為勃鞞史記晉世家作宦者履鞞索隱注履鞞即  
春秋勃鞞也晉獻公子重耳遭驪姬之譖走保蒲獻  
公命寺人披伐蒲重耳乃踰垣而走寺人披追之斬  
其衣袪後重耳立是為文公寺人披請見文公讓之  
披對曰君命無二古之制也鄭衆之辭賞漢和時  
鄭衆首謀誅竇憲以功遷大長秋策勲班賞每辭多  
受少呂彊之直諫漢靈時呂彊諫止封賞諫導行  
費諫選舉法曹曰昇之救患肅宗時賊圍南陽甚急  
曹日昇請與十騎冒圍入城宣慰賊不敢逼城中大  
喜馬存亮之弭亂敬宗時染署工張韶與卜者蘇元  
明為變存亮遣神策騎兵射韶及元明皆死楊復光  
之討賊僖宗時帥八都將以敗朱溫羅遵美之避權  
昭宗時歷軍容使嘗嘆曰北司供奉官以勝衫給事  
今執笏過矣後隱青城山張承業之竭忠僖宗時宦



者後唐莊宗將即位承業諫求前唐之後立之莊宗不聽遂不食率草薙而禽獮之欲剪除其根之義記月今篇季夏燒薙行水利以殺草注薙他計直履二反芟草也獮息淺反殺也說文秋獵曰獮應殺氣也正誤草薙而禽獮之今按韓昌黎文集送鄭權序蠻夷悍輕易怨以變至終不可治乃草薙而禽獮之盡根株痛斷乃止

書法

東漢嘗誅宦官矣書曰袁紹捕宦者悉誅之此崔盾也曷為不書書車駕上意也然則漢

書悉誅此其書大何悉盡辭也大衆辭也于是稍留黃衣幼弱者故不書悉綱目之權衡審矣然何進召董卓以亡漢崔盾召全忠以亡唐則一而已或曰董卓之兵綱目直書進召盾召全忠則曷為不書綱目上書解崔盾鹽鐵則繼書全忠舉兵上書大誅宦官則繼書崔盾判六軍十二衛事罪回

有所在矣故于其殺也削其官

發明

嘗觀易之噬嗑初九屨校滅趾无咎聖人發其義于繫辭以小懲大誠為小人之福至于

上九何校滅耳凶聖人復發其義以為惡積而不可掩罪大而不可解是以何校而滅沒其耳為凶之極有唐宦官之禍不幸類是蓋自明皇肅代以來其為蠹日增月益方其始焉城狐社鼠憑附人主以為姦僮有英明之君蚤正而預治之則屨校滅趾猶可為也夫何積習不已至于闔闢動搖宇宙在其掌握弑君立君易若反手罪盈惡積釁重邱山蓋至于僖昭之世如癰疽之潰決江河之漲溢勢甚滔天莫可制禦不至于屠戮勦滅掃迹絕影而不止此正所謂惡積而不可掩罪大而不可解者尚何說之有哉或曰宦官之惡誠極矣然韓全誨有罪而書殺其餘無罪而書誅何哉曰全誨

書殺前固已論之矣其餘書誅雖若無罪然禍本  
亂根實在於此安得不加之有罪之辭是以東漢  
行之於前而綱目以悉誅宦官為文李唐行之於  
後而綱目以大誅宦官為說蓋謂之悉則靡有孑  
遺而謂之大則廣行剪滅是皆事窮勢極不可復  
加之意也然則後人欲鑒閹宦之禍者盍亦謹于  
其微而毋至于何校  
滅耳之地則庶矣

## 二月貶陸扆為沂王傅分司

車駕還京師賜諸道詔書獨鳳翔無之扆曰茂貞罪  
雖大然朝廷未與之絕今獨無詔書示人不廣崔胤  
怒奏  
貶之

## 賜蘇檢死貶王溥為賓客分司

皆崔盾  
所惡也

賜朱全忠號回天再造竭忠守正功臣

將佐敬翔朱友寧都  
頭以下皆賜號有差

書法

綱目書賜號八未有十字號者據事直  
書而貶義自見矣况無一字能稱者乎

發明

名者實之表也周公誅三監平淮夷復安王  
室厥功大矣未聞有賜號立名之事至王莽

乃有安漢公宰衡之稱後世豈以是予莽而謂周  
公為歟哉朱溫巢賊之黨凶暴桀逆罪不容誅而  
乃加以回天再造竭忠守正之名殆與侯景自稱  
宇宙大將軍相去無幾大書于冊事可知矣未幾  
荐行弑逆篡滅唐室尚可謂  
之回天再造竭忠守正者乎

以輝王祚為諸道兵馬元帥朱全忠守太尉以副之進爵梁王崔胤為司徒兼侍中

上議褒崇全忠欲以皇子為元帥全忠副之崔胤請以輝王為之上曰濮王長胤承全忠密旨利于幼冲固請之胤恃全忠之勢專權自恣天子動靜皆稟之刑賞繫其愛憎中外畏之李克用聞之曰胤外倚賊勢內脅其君權重則怨多勢倖則釁生破國亡家在目中矣

貶韓偓為濮州司馬

上嘗謂偓曰崔胤雖忠然頗用機數對曰凡為天下者萬國皆屬之耳目安可以機數欺之莫若推誠直致雖日計之不足而歲計之有餘也上欲用偓為相偓薦趙崇王贊自代胤惡其分已權使朱全忠白上

曰趙崇輕薄王贊不才韓偓何得妄薦上不得已貶偓上與泣別偓曰是人非復向來之比臣得貶死為幸而不忍見篡弑之辱胡氏曰主暗國危韓偓久于近密而不去何也昭宗多與之謀議君臣之分有所不忍也宰相人所類欲而偓終不拜甘心斥逐其去雖晚其志操可尚矣

### 梁王全忠辭歸鎮

全忠奏留步騎萬人于故兩軍以朱友倫為宿衛使張廷範為宮苑使王殷為皇城使蔣元暉為街使乃辭歸鎮上餞之于延喜殿全忠奏曰克用于臣本無大嫌乞厚加撫慰克用聞之笑曰此賊欲有事淄青畏吾將其後耳

### 以裴樞同平章事

朱全忠  
薦之也

三月梁王全忠遣朱友寧葛從周擊王師範

朱全忠還至大梁王師範遣兵圍齊州全忠遣友寧擊郤之劉鄩由是援絕葛從周引兵圍之友寧進攻青州全忠引兵十萬繼之

夏五月馬殷襲江陵陷之

楊行密遣使詣馬殷言朱全忠跋扈請絕之湖南大將許德勳曰全忠雖無道然挾天子以令諸侯不可絕也殷從之先是淮南將李神福圍鄂州節度使杜洪求救于朱全忠全忠遣兵屯澠口令荆南成汭武真雷彥威與殷出兵救之汭畏全忠且欲侵地自廣發舟師十萬沿江東下掌書記李璉諫曰今每艦載

甲士千人稻米倍之緩急不可動也吳兵剽輕難與  
角遂武陵長沙皆吾讐也豈得不為反顧之慮乎不  
若遣驍將屯巴陵堅壁勿戰不過一月吳兵食盡自  
遁鄂圍解矣汭不聽而行敗果遣許德勲將舟師襲  
江陵臨之大掠而去將士聞之皆無鬪志神福聞汭  
將至自乘輕舟覘之還謂諸將曰彼戰雖多而不  
相屬易制也逆擊破之汭赴水死彥威殺獍  
殘忍常泛舟焚掠鄰境荆鄂之間殆至無人  
地名溝水之口也大宋重脩廣  
韻注瀟書涉反水名在西場  
質實  
瀟水一統志云  
四十餘里自黃陂入漢陽縣界  
與淪索二水合流南入大江

王師範以淮南兵擊朱友寧斬之秋七月梁王全忠擊  
師範破之遣楊師厚攻青州



朱友寧聞博昌月餘不拔全忠怒遣使督之友寧驅民丁十餘萬築土山并人畜木石排而築之寬號聞數十里俄而城陷盡屠之進拔臨淄抵青州城下遣別將攻登萊師範求救于楊行密行密遣將王茂章救之六月汴兵拔登州師範拒友寧于石樓友寧攻之破其一柵師範趣茂章出戰茂章按兵不動比明度汴兵已疲乃與師範合兵出戰大破之友寧馬仆斬之乘勝逐北俘斬殆盡全忠聞友寧死自將兵二十萬晝夜兼行赴之七月至臨朐命諸將攻青州師範出戰大敗茂章閉壘伺汴兵稍懈毀柵出戰戰酣退坐召諸將飲酒已而復戰全忠登高望見之歎曰使吾得此人為將天下不足平也至脯汴兵乃退茂章度衆寡不敵引兵還全忠留楊師厚攻青州而歸

**集覽**

博昌注見周報

**質實**

臨朐一統志云漢之縣名屬齊郡晉省入東莞縣隋改為逢山縣後復舊屬北海郡唐宋並屬青州金屬

益都府元省入益都縣後復置本朝因之改屬青州府

# 八月進王建爵為蜀王○楊行密遣兵擊宣潤州

初田頔破馮宏鐸詣廣陵謝楊行密求池歛為巡屬行密不許頔怒而歸頔兵彊財富好攻取行密欲保境息民每抑止之頔陰有叛志李神福言于行密曰頔必反宜早圖之行密曰頔有大功反狀未露今殺之諸將人人自危矣頔有良將曰康儒與頔謀議多不合行密知之擢儒為廬州刺史頔以儒為貳于已族之儒曰吾死公亡無日矣頔遂與潤州團練使安仁義同舉兵行密使李神福討頔王茂章討仁義茂章攻潤州不克行密使徐溫將兵會之溫易其衣服旗幟如茂章兵仁義不知出戰溫奮擊破之壽州節度使朱延壽行密妻弟也行密素狎侮之延壽怨怒陰與頔通謀行密乃詐為目疾謂夫人曰吾不幸失

明諸子皆幼軍府事當患以授三舅夫人以報延壽  
行密又遣人召之延壽至行密執而斬之初延壽赴  
召其妻王氏曰君此行吉凶未可知額日發一使以  
安我一日使不至王氏曰事可知矣部分僮僕授兵  
闔門捕騎至乃焚府舍曰妾誓不以皎然之軀為讐  
人所辱赴火而死額罷昇州得李神福妻子善遇之  
遣使謂神福曰公見機與公分地而王不然妻子無  
遺神福曰吾以率伍事吳王為上將義不以妻子易  
其志額有老母不顧而反三綱且不知烏足與言乎  
斬使者而進士卒皆感勵額遣王檀汪建將水軍逆  
戰神福因風縱火焚之檀建大敗額聞之自將水軍  
逆戰神福曰賊棄城而來此天亡也堅壁不戰遣使  
告行密請發兵斷其歸路  
行密遣臺蒙將兵應之

楊師厚逼青州王師範降

楊師厚進逼青州師範請降時朱全忠聞李茂貞將起兵恐其復劫天子而去欲迎車駕詣洛陽乃受之

# 冬十月王建取夔忠萬施四州集覽

夔州注見漢獻帝建安十九年巴東

質寶

忠州一統志云唐初所置治臨江縣以巴臣蔓子及郡守嚴顏皆著忠烈故名天寶初改南賓郡乾

元初復為忠州隸山南道宋陞為咸淳府元為忠州併臨江縣入焉本朝因之改屬重慶府萬州唐初所置治

南浦縣天寶初改南浦郡乾元初復為萬州宋因之以南浦縣省入本朝初改州為縣屬夔州府施州隋末

所置治清江縣唐初以州隸江南道開元間改清江郡天寶初改清化郡乾元初復為施州宋屬四川夔路元

以清江縣省入州屬夔州路本朝初仍置施州屬夔州府及置施州衛後省州入衛改置施州衛軍民指揮使

司屬湖廣道

議者以瞿唐蜀之險要集覽瞿唐唐本作塘寰宇記建乃秦歸峽屯軍夔州夔州瞿唐在州東一里

杜甫瞿塘懷古詩西南萬壑注初敵兩崖開地與山根裂江從月窟來此四句備述瞿唐之險要質

實瞿唐峽名一統志云在夔州府城東舊名西陵峽乃三峽之門兩岸對峙中貫一江艷潏堆當其口

### 葛從周取兗州

葛從周急攻兗州鄆使從周毋登城謂從周曰劉將軍事我不異于汝從周攻城為之少緩鄆簡婦人及民之老疾者出之獨與少壯者堅守以捍敵及師範使者至始出降全忠表鄆為保大留後

### 宿衛使朱友倫卒

友倫擊毬墜馬而卒全忠疑崔胤為之殺同戲者十餘人遣兄子友諒代典宿衛

山南東道節度使趙匡凝取荆南表其弟匡明為留後

質實

山南東道節度注見齊和帝中興元年雍州

時天子微弱諸道多不上供惟匡凝兄弟委輸不絕胡氏曰忠孝至行也有所利而為之外行雖美心內則惡是時唐室垂滅藩鎮奉上非有賞可冀有罰可懼而二趙勉勉輸貢是無所利而為之者可不謂之忠乎

集覽

委輸漢有三輔委輸官漢書音義曰謂輸送委積者也委輸並去聲

李茂貞李繼徽舉兵逼京畿

朱全忠之克邠州也執靖難節度使楊崇本妻子河中而私焉崇本怒使謂李茂貞曰唐室將滅父忍坐視之乎遂相與連兵侵逼京畿復姓名李繼徽全忠恐其復有遷劫之謀乃發兵屯河中

# 十一月楊行密克宣州斬田頔

初頔聞臺濠將至自將步騎逆戰濠以楊行密書編賜頔將皆下馬拜受濠因其挫伏縱兵擊之頔兵遂敗奔還城守濠引兵圍之頔率敢死士數百出戰濠擊斬之遂克宣州初行密與頔同里相善約為兄弟及頔首至視之泣下與諸子以子孫禮事其母以李神福鎮宣州神福以杜洪未平固讓不拜宣州長史駱知祥善治金穀牙推沈文昌善為文嘗為頔草檄罵行密行密皆擢用之遣錢傳瓘歸杭州

以獨孤損同平章事裴贄罷○張全義殺左僕射張濬

王師範之舉兵濬預其謀朱全忠謀篡奪恐濬煽動藩鎮諷全義殺之

書法

張濬輕易反覆有餘罪矣其具官何濬之存能使全忠畏忌則濬亦有過人者矣故特具官以罪全義

甲子 天祐元年春正月梁王全忠殺崔胤以崔遠柳璨同平章事

初崔胤假朱全忠兵力以誅宦官全忠既破李茂貞威震天下遂有篡奪之志胤懼與全忠外雖親厚私心漸異乃謂全忠曰長安密邇茂貞不可不為之備六軍十二衛但有空名請召募以實之使公無西顧之憂全忠知其意曲從之密使麾下壯士應募以察之胤不之知與鄭元規等繕治兵仗日夜不息及朱友倫死全忠益疑至是欲遷天子都洛恐胤立異密表胤等專權亂國請并其黨鄭元規等誅之詔皆貶之而以裴樞獨孤損分判六軍三司全忠密令朱友諒殺胤及元規等數人胡氏曰人見崔胤深結宣武疑其有輸唐社稷之意胤非敢爾直惡閹豎疾茂貞爾不然何用區區召補六軍諸衛為王室壯形勢哉是則胤自謂能制全忠而不知其在全忠之度內也故不擇交不慎始終必傾虧崔胤張濬之事亦可鑒



矣

書法

殺屠者全忠也相遠璆者亦全忠也大而宰相生殺予奪皆出其手矣唐有不為梁乎

發明

崔昌遐挾賊以自重至于不赴召命凌蔑天子自謂泰山可倚豈知復有今日綱目書全

忠殺昌遐以崔遠柳璆同平章事則大臣生殺除拜皆在全忠掌握其威靈氣燄已不復有唐室矣然昌遐為司空平章之日綱目已書于帝幸全忠營之下至于為司徒兼侍中之日又書于全忠進爵梁王之下皆以見其憑附賊臣之實至是反死于憑附者之手則昌遐比之匪人適足自殞其軀而已然昌遐有罪而綱目止書曰殺者全忠專殺不得為誅也昌遐實為宰臣而不書其官者已實有罪不得為大臣也權其輕重寓諸筆削則姦臣逆賊之罪與夫唐室滅亡之跡隱然俱見于書法

之間

失吁

梁王全忠屯河中表請遷都上發長安二月至陝考異

上當  
作帝

朱全忠引兵屯河中遣牙將奉表稱邠岐兵逼畿甸  
請上遷都洛陽時上御延喜樓及下棐樞已促百官  
東行驅徙士民號哭滿路罵曰賊臣崔胤召朱溫來  
傾覆社稷使我曹流離至此上遂發長安全忠以張  
廷範為御營使毀長安宮室百司及民間廬舍取其  
材浮渭沿河而下長安遂墟上至華州民夾道呼萬  
歲上泣曰勿呼萬歲朕不復為汝主矣館于興德宮  
謂侍臣曰鄙語云紇干山頭凍殺雀何不飛去生處  
樂朕今漂泊不知竟落何所因泣下霑襟左右莫能  
仰視二月至陝以東郡宮闕未成留止全忠來朝上

延入寢室見何皇后泣曰自  
今大家夫婦委身全忠矣

**集覽**

畿甸禮大司馬九  
畿方千里曰國畿

鄭元注夏曰縣內畿周曰畿內天子所居州界名詩  
殷頌曰邦畿千里維民所止記王制篇千里之內曰

甸鄭元注為天子服治田出穀稅紇干山頭凍殺雀  
紇干山未詳所在適披輿地要覽見雲中郡有紇真

山注云胡語紇真華言千里也其山積雪春夏不消  
疑昭宗指此山而言也或者訛傳干為真耳胡致堂

曰昭宗之自比凍雀蓋居不可如何  
質實 紇干山一  
之勢也大家注見肅宗寶應元年

紇真山也在大同府城東非五十里紇真猶漢言千  
里其山冬夏積雪故諺曰紇真山頭凍殺雀何不飛

去生  
處樂

**書法**

書表請予之歟上書屯河中則與劫遷無異  
矣方書表請隨書發長安方書發長安隨書

至陝所以著  
全忠之威也

發明

書表請遷都本無貶詞然上書全忠屯河中則見其親將大兵脅遷天子明矣下書上發

長安二月至陝則見天子不敢違有即日就道之意矣夫遷都大事必臣主合謀龜筮協吉卜日而行今全忠屯兵近畿迫脅乘輿乃以遷都為說殆與董卓逼遷長安無異綱目書之詞不迫切而意已獨至唐室至是其亦未如之何也已哀哉

### 王建遣兵迎車駕

上遣間使以御札告難于王建遣王宗祐將兵會鳳翔兵至興平遇汴兵不得進而還建始自用墨制除官云俟車駕還長安表聞

書法

遣迎何譏也天子在難躬迎事未可知而遣兵迎以為是為恭而已故譏之是故其赴援

書屯綿州其迎駕書遣兵皆所以深譏之也

發明

王建之兵實未嘗得進而以迎車駕書之者予其勤王之意也然天子在難建不能躬走

奔問官守以致其赴援之力則為義有所未盡故止書遣兵以見其若急而實緩此又輕重之權衡也

三月以梁王全忠判六軍諸衛事

梁王全忠赴洛陽

全忠置酒私第邀上臨幸遂赴洛陽督修宮闕上與之宴羣臣既罷留全忠及韓建飲皇后出自捧玉卮

飲之官人或附上耳語建躡  
全忠足全忠不飲陽醉而出

發明

書全忠殺崔昌遐相崔遠柳璨則朝廷在其

其掌握書全忠判六軍諸衛則兵權在其掌握至  
是又書全忠赴洛陽言赴則見其飄忽震蕩如水  
之赴壑莫之能遏此固特筆表其篡弑之急  
者也不然何以不書曰詣曰朝而書曰赴哉

遣間使以密詔告難于四方

上復遣間使以緡詔告急于王建楊行密李克用等  
令糾率藩鎮以圖匡復曰朕至洛陽則為全忠所幽  
閉詔勅皆出其手  
朕意不得復通矣

發明

嗚呼昭宗至是無可言者矣然書遣間使告  
難于四方則見其倒垂之急猶有望于救解

之意而遠近諸鎮漠然未聞有一人惻然哀憫奔赴君父之厄者則是全忠凶威虐斂足以脅制天下而忠臣義士亦且束手無策莫之救也主危如此彼王建楊行密李克用諸人奉頭鼠竄各自封植其亦可愧也已其亦可誅也已人主觀此可不兢兢業業也哉

### 楊行密遣兵擊杜洪

楊行密復遣李神福將兵擊杜洪朱全忠遣使詣之請捨鄂岳復修舊好行密報曰俟天子還長安始敢命聞

### 夏四月上至洛陽考異

提要上作帝

### 考證

上皆當作帝。謹按論史者皆言唐

亡于藩鎮亡于宦官皆非也唐亡者宰相也朱溫在汴時不有宰相誘之豈能遽為曹孟德哉昭宗憤天下之

亂思用奇傑之士而卒得悖逆之臣始于張濟中于崔昭緯皆求救于溫終于崔胤求援于溫不特求援且教其營東都宮闕表迎車駕效尤孟德而唐祚去矣嗚呼為人臣者欲固位而毀其國猶欲安居而毀其家也哀哉

朱全忠奏宮室已成請車駕早發上遣宮人諭以皇  
后新產未任就路請俟十月東行全忠疑上徘徊俟  
變怒甚謂牙將寇彥卿曰汝速至陝即日促官家發  
來閏月車駕發陝全忠迎于新安殺上左右及宮人  
數人自崔胤之死六軍散亡俱盡餘內園小兒二百  
餘人從上而東全忠盡殺之預選二百人大小相類  
者衣其服而代之上初不覺累日乃寤自是上之左  
右使令皆全忠之人矣至洛陽入宮以蔣元暉王殷  
為宣徽南北院使張廷範為街使韋震為河南尹  
又召朱友恭氏叔琮為左右龍武統軍典宿衛



以梁王全忠為護國宣武宣義忠武節度使所實

護國軍名

注見周赧王十二年蒲阪宣武軍名注見昭宗光化二年宣義軍名注見懿宗咸通十年義成軍忠武軍名注

見秦二世二年

更封錢鏐為吳王

鏐求封吳越王朝廷不許乃更封吳王

命魏博曰天雄軍進羅紹威爵為鄴王質實

魏博軍名注見漢成

帝綏和二年天

雄軍注同上年

五月梁王全忠還鎮

帝宴全忠等既罷復召全忠宴于內殿全忠疑不入  
帝曰然則可使敬翔來全忠適翔使去曰翔亦醉  
矣乃還  
大梁

### 趙匡凝攻夔州不克

匡凝遣水軍上峽攻夔州知渝州王宗阮擊敗之萬  
州刺史張武作鐵絙絕江中流立柵于兩端謂之鐻  
峽  
集覽鐵絙音居登反大索也圓鐵  
為之立柵樹立木為寨柵也  
實寶  
見漢獻

帝建安十  
九年巴陵

六月李茂貞王建李繼徽合兵討朱全忠全忠拒之河

中

西川諸將勸王建乘茂貞之衰取鳳翔建以問判官馮涓涓曰今梁晉虎爭勢不兩立若併而為一舉兵向蜀雖諸葛復生不能敵矣鳳翔蜀之藩蔽不若與之和親無事則務農訓兵有事則觀釁而動可以萬全建曰善乃與茂貞修好與茂貞及李繼徽合兵討朱全忠全忠拒之河中建賦鯨鯨重人莫敢言涓因建生日獻頌先美功德而後言之建愧謝自是賦歛稍損

書法

茂貞繼徽再逼京畿王建不急王室皆罪人也其得書討何全忠強盛唐祚且移苟有能

抗之者綱目所予也于是全忠削不書爵

發明

三鎮合兵不能損全忠之毫毛然綱目亦予其討者所以勸徇義之人且以正逆賊之罪

也

秋八月全忠弑帝于椒殿太子祝即位考異全上漏梁

王二字。

按安漢公莽弑帝宋  
公劉裕弑帝並書爵

初全忠見德王裕眉目踈秀年齒已壯惡之私謂崔  
胤曰德王嘗奸帝位豈可復留公何不言之胤言于  
帝帝問全忠全忠曰陛下父子之間臣安敢竊議此  
崔胤賣臣耳帝自離長安日憂不測與何后終日沉  
飲或相對悲泣全忠使蔣元暉伺帝動靜帝從容謂  
元暉曰德王朕愛子全忠何故堅欲殺之因泣下齧  
中指血流元暉具以語全忠全忠愈不自安時李茂  
貞等移檄來往皆以興復為辭全忠方西討以帝有  
英氣恐變生于中欲立幼君易謀禪代乃遣判官李  
振至洛陽與元暉及朱友恭氏叔琮等圖之元暉選  
牙官史太等百人夜叩宮門殺宮人裴貞一帝在椒  
殿方醉遽起單衣繞柱走太追弑之昭儀李漸榮以

身蔽帝呼曰寧殺我曹勿殺大家太亦殺之元暉矯詔稱貞一漸榮弒逆立輝王祚為皇太子更名祝于樞前即位時年十三宮中恐懼不敢出聲哭全忠聞之陽驚哭自投于地曰奴輩負我令我受惡名于萬代至東都伏梓宮慟哭殺友恭叔琮友恭臨刑大呼曰賣我以塞天下之謗如鬼神何全忠遂辭赴鎮范氏曰唐末藩鎮惟李克用最為有功雖嘗跋扈而終不失臣節若倚為藩扞使太原之勢常重則諸鎮未敢窺唐也而唐以其戎狄之人疑而不信是以不競于汴而全忠獨彊吞噬諸鎮卒滅唐室自古忠者不見信而所信者不集覽德王嘗奸帝位奸犯非禮也忠豈有不亡者乎先劉季述曾幽昭宗而立德王裕故全忠云然也左傳襄十四年君子曰能守節君義嗣也誰敢奸君

書法

弒君之賊或書爵或書姓恒也此其并不書姓何全忠六月書討既削其爵矣于是弒君

不可以不重貶也故再削其姓賀善贊曰昭宗即位首務強兵志張王室而性失卞急不審事宜是以三命出師不惟無功益以長亂雖唐亡已決亦其處之不善祇以速之也○普王儼不書太子中尉立之也此亦元暉矯立耳其書太子何幸之也當是時唐旦暮亡君弒而有正統在固君子之所幸也故不得以從恒法也

發明

弒逆之罪罪不容誅然陰為其事而陽避其名如金忠驚哭投地之類是也夫以主謀者

李振圖事者元暉揮刃者史太而歸過乃在全忠若其手自為之者求其實也不然亂臣賊子接跡于世皆可以文欺天下矣

以張全義為河南尹○楊行密以劉存為招討使子渥

為宣州觀察使

李神福臺濛率楊行密以存渥代之徐溫謂渥曰王  
寢疾而嫡嗣出藩此必奸臣之謀他日相召非溫使  
者及王令書慎無  
亟來渥泣謝而行

九月尊皇后為皇太后○冬十月朔日食○十二月楊

行密遣馬竇歸長沙

竇性沉勇事行密屢有功行密從容問其兄弟乃知  
為馬殷之弟大驚曰吾嘗怪汝器度瓌偉果非常人  
遣歸長沙竇固辭行密固遣之竇至長沙殷議入貢  
竇曰楊王地廣兵彊不若與之結好殷作色曰楊王  
不事天子一旦朝廷致討罪  
將及吾汝置此論勿為吾禍

以劉隱為青海節度使

青海節度使崔遠赴鎮畏隱不敢質實見晉武帝太

康元年  
交州

乙丑 昭宣帝天祐二年

書法

君立踰年改元恒也昭宣于是踰年矣而不改先君之舊號則臣子之罪也其畏金忠甚

矣綱目非元年不書號于是特書昭宣帝天祐二年所以表其為新君之初年以正始也

發明

凡人君即位必書元此春秋之法也亦古先帝王之法也後世以來則有改號之事故人

君繼統踰年亦必改元歷代莫之廢也昭宗既終嗣君踐祚今已踰年乃止以先君舊號紀歲月考



之唐史蓋自昭宗去年四月乙巳大赦改元天祐至八月壬寅昭宗遇弒太子即位因仍不改因見賊溫無道恣行狠愎盡廢故典舉朝畏甚亦無有敢告之者也綱目凡改元次年則不書其號而此獨舉之者所以表嗣君之始耳世變愈下亂賊恣行一至于此可畏也哉

### 春正月楊行密克潤州殺安仁義

仁義勇決得士心王茂章攻之踰年不克至是城陷見殺

### 二月朱全忠殺德王裕等九人

全忠使蔣元暉邀德王裕九人置酒九曲池悲縊殺之投尸池中皆昭宗之子也

書法

昭宗之子于是皆死而唐祚之移決矣故全忠削不書爵

發明全忠兇暴無復人理然綱目亦不為之廢法  
故凡用兵等事皆舉其爵至于見討則削之

殺諸王則削之弑太后則削之甚至弑逆則又  
并其姓氏俱削之皆所以行天討正王法以誅其  
桀逆之罪豈以其無足誅責  
之故而遂廢討賊之法哉

劉存拔鄂州執杜洪○葬和陵質實

和陵一統志云在  
河南府偃師縣南

○三月以王師範為河陽節度使質實

河陽古地名一  
統志云東周為

畿內地春秋時屬晉為河陽戰國時屬魏為河雍漢為  
河陽縣元魏始築城于此北齊置河陽關隋仍為河陽  
縣屬懷州唐初改大基縣後復為河陽縣屬河南府後  
又陞為孟州為河陽節度治所宋初改置三城節度金  
仍為孟州元屬懷慶路本朝降州  
為縣以河陽縣省入改屬懷慶府

師範舉族西遷大梁  
全忠客之使鎮河陽

獨孤損裴樞崔遠並罷以張文蔚楊涉同平章事

初柳璨及第不四年為相性傾巧時天子左右皆朱  
全忠心腹璨曲意事之同列裴樞崔遠獨孤損皆朝  
廷宿望意輕之璨以為憾張廷範本優人有寵于全  
忠奏以為太常卿樞曰廷範勲臣幸有方鎮何藉樂  
卿恐非元帥之旨持之不下全忠聞之謂賓佐曰吾  
嘗以裴十四器識真純不入浮薄之黨觀此議論本  
態露矣璨因此并譖遠損于全忠故三人皆罷以張  
文蔚楊涉為相涉為人和厚恭謹聞當為相泣謂其  
子凝式曰此吾家之集覽性傾巧傾謂奇衰也巧謂  
點慧也優人倡優也樂卿  
不幸也必為汝累  
史記平準書千夫如五大夫其有罪又減二等爵得  
至樂卿以顯軍功裴駟案漢書音義曰十爵左庶長

以上至十八爵為大庶長也名樂卿樂卿者朝位從九卿如樂字別正卿也又十九爵為樂公食公卿祿而無職索隱曰此言武功正誤卿樂卿今按此指太常置爵惟得至于樂卿也卿典禮樂之職者也

### 河東押牙蓋寓卒

寓遺書勸李克用省營繕薄賦斂求賢俊

書法

押牙未有書卒者卒蓋寓何錄賢也克用之克終臣節寓有力焉押牙書卒者終綱目一

人而已矣

發明

蓋寓一押牙而書卒書爵者寓有忠于克用之謀其志不忘本朝故也彼有身為大臣而

名爵俱削者視此蓋亦少愧哉

夏四月彗星出西北長竟天

書法

綱目書彗十有七未有書長竟天者彗長竟天甚大異也間一歲而唐亡變不虛生信哉

終綱目書長竟天三長星竟天而晉亡恭帝元熙二年彗星竟天而唐亡惟李竟天則兵禍而已漢

武帝建元六年

○六月殺裴樞獨孤損崔遠陸扈王溥等三十餘人考

異

殺上漏全忠二字

柳璨恃朱全忠之勢恣為威福會有星變占者曰君臣俱災宜誅殺以應之璨因疏其素所不快者于全忠曰此曹皆怨望腹非宜以之塞災異李振因言于全忠曰王欲圖大事此曹皆朝廷之難制者也不若

盡去之全忠以為然貶獨孤損裴樞崔遠陸扈王溥  
趙崇王贊等官有差自餘或門胄高華或科第自進  
以名檢自處者皆指以為浮薄貶之六月朔聚樞等  
三十餘人于白馬驛一夕盡殺之投尸于河初李振  
屢舉進士不中第故深疾縉紳之士言于全忠曰此  
輩常自謂清流宜投之黃河使為濁流全忠笑而從  
之振自汴至洛朝臣必有竄逐者時謂之鴟梟范氏  
曰白馬之禍至今悲之歐陽修有言曰一太常卿與  
社稷孰為重使樞等不死尚惜一卿其肯以國與人  
乎雖樞等之力不能存唐必不亡唐而獨存也是不  
然昭宗返自鳳翔全忠篡奪之勢成矣樞乃被其薦  
引以為宰相全忠之劫遷也昭宗未及下樓樞受賊  
旨已率百官出長安東門昭宗率以弑殞而唐遂亡  
由此觀之樞為忠于李氏乎忠于朱氏乎且長安與  
一太常卿孰重國亡君弑與流品不分孰急樞不惜  
長安以與全忠乃惜一卿不與廷範不恤國亡君弑

而恤流品之不分其愚豈不甚哉夫樞非有忠義之心能為社稷者也不勝利欲之心畏全忠而附之弑其君父既從之矣以為除太常卿小事也持之不與未必拂全忠之心欲微以示人至公而不意全忠之怒至此也全忠以為此小事也猶不從已其肯聽已取天下乎是以肆其誅鋤無所不至不知樞等實非能為唐輕重乃全忠疑之過也向使樞有存唐之心當全忠之劫遷端委而受刃于國門天下忠義之士聞之必有奮發而起者矣樞不為此而惜一卿不死于昭宗之弑而死于廷範之事處身如此豈能為國慮乎白馬之禍蓋自取之也然自古如**集覽**因疏疏此而死者多矣貪躁之士亦可少戒哉**集覽**所據反條陳以記之腹非漢食貨志張湯奏顏異見令不便不入言而腹非又漢武時有腹誅之法比注誅讀曰非非議也名檢檢謂檢飭也名教禮法之士端委東漢蔡邕傳端委縉紱注端委禮服也左傳吾與子弁

冕端委杜預注弁冕皆冠也端玄端服也委未詳恐是委貌則亦冠類也又按禮象云有玄端而章甫如公西赤端章甫類為小相焉是也有玄端而委貌若晏平仲端委立于席門是也鄭玄云端取其正謂士之衣袂皆二尺二寸而屬幅廣袞等也冠與委貌又有不同者焉有朝服而冠者有朝服而委貌者

書法

殺之者全忠也不書主名何全忠之惡至于弑君以及太后則其殺唐臣者常也無足深

貶者樞輩皆負國之臣綱目而書曰全忠殺之則是專罪全忠矣然則蔣元暉輩非負國者歟其殺之也曷為主全忠蒙上文全忠之名以書殺又以見賣國于人者卒不享其利以為後世戒也或書或不書綱目之旨深矣

發明

彗出西北是殆陰方殺氣之應歟其長竟天是殆兵禍變極之兆歟彼賊臣志在驅除異



已乃借是以屠戮誣天罔人甚矣綱目書殺樞等  
于彗出之下則其矯誣濫殺固自可見然此徒諂  
附逆賊斲喪唐室自謂得其所依一旦禍出不圖  
駢首受戮投尸濁河遺誚千古故綱目于樞等之  
死累數而不書其官所以深貶之也其不書全忠  
殺者則以樞等自取殺戮故反恕全忠以甚樞等  
之罪也嗚呼唐之亡也無智愚賢不肖皆知之樞  
等名為縉紳不幸而處危亂之朝當賊徒弑逆劫  
遷之際力能誅則誅之不能誅則死之又否則削  
跡去之可也失身賊手去就不能誅則死之又否則削  
彗出之變詎能免書法若此後之  
貪榮躁進之士盍亦以是少警哉

秋八月王建取金州質實

金州注見漢後主  
建興八年西城縣

○徵前禮

部員外郎司空圖詣闕尋放還山

初圖棄官居虞鄉王官谷昭宗屢徵之不起柳璨以詔書徵之圖懼入見陽為衰野墜笏失儀璨復下詔曰養高釣名匪夷匪惠難居公正之朝可放還山胡氏曰唐未進退不汙者唯司空圖一人其猶在韓偓之所乎迹近而意遠情疎而罪微此蔡邕伍瓊周處集覽也野衰精力耗所質實虞鄉縣名注見周報王二陽府臨晉縣東南七十里以王官廢壘為名唐司空圖嘗隱此

### 書法

書前官何美圖也圖自僖宗時棄官歸隱蓋智士也于是詣闕則陽為衰野失儀以去可

謂潔身亂世者矣故特書之綱目書徵士二十有一而不至者八不出者一不就者一不食而卒者一不受者一遣歸者一放還山者一詳漢光武建武五年

發明

一字之褒寵踰華袞之贈片言之貶辱過市朝之撻此豈非范甯之序穀梁春秋乎唐前

日祿山之亂兩京既復綱目先書追贈死節之士繼書制陷賊官六等定罪今朱溫之亂先書殺裴樞等三十餘人繼書徵前禮部員外郎司空圖尋放還山夫以陷賊而比死節裴樞等大臣累數不書官而比司空圖之書前官其善惡堯桀也其得失天淵也其榮辱則華袞之贈市朝之撻也士君子行已出處審于命義固非有所為而為之然而箚削之嚴則不可以不分臧否此綱目所以比書于冊勸懲斯世庶幾人道有立不為夷狄禽獸之歸其有補于世教也多矣故曰麟筆絕而後綱目作

九月梁王全忠遣楊師厚取襄陽趙匡凝奔廣陵

朱全忠以匡凝與楊行密王建交通遣師厚將兵擊之自將大軍繼之攻下七州大破其兵匡凝奔廣陵楊行密戲之曰君在鎮歲以金帛輸朱全忠今敗乃歸我乎匡凝曰諸侯事天子歲輸貢賦乃其職也豈輸賊乎今日歸公正以不從賊耳行密厚遇之

楊師厚取江陵趙匡明奔成都○冬十月以梁王金忠為諸道兵馬元帥○梁王金忠擊淮南不利

朱全忠部署將士將歸大梁忽變計欲乘勝擊淮南敬翔諫曰今師出未踰月平兩大鎮關地數千里遠近震懾此威望可惜不若且歸息兵俟釁而動不聽至棗陽遇大雨抵光州道險塗潦人馬疲乏士卒逃亡十一月度淮而北光州刺史柴再用抄其後軍斬首三千級獲輜重萬計全忠悔之躁怒尤甚

賈

實

棗陽一統志云隋初縣名屬舂陵郡因棗陽村為名唐初屬唐州後改屬隋州宋陞為棗陽軍元復

為縣屬南陽府本朝因之改屬襄陽府

改昭宗諡號

起居郎蘇楷素無行嘗登進士第昭宗覆試黜之至是建議昭宗諡聖穆景文多溢美請改之太常卿張廷範奏改為恭靈莊愍廟號襄宗

發明

改諡之事倡其議者蘇楷和其說者張廷範然舉朝亦無有一人能正之者大書于冊舉

皆罪之也

十一月吳王楊行密卒子渥代為淮南節度使質實

淮南

節度注見漢後主  
建興二年廣陵

行密長子渥素無令譽軍府輕之行密寢疾命判官  
周隱召渥隱性褻直對曰司徒輕易信讒喜擊毬好  
飲酒非保家之主餘子皆幼未能駕馭諸將廬州刺  
史劉威從王起細微必不負王不若使之權領軍府  
俟諸子長而授之行密不應徐溫張顥密言于行密  
曰王出萬死冒矢石為子孫立基業安可使他人有  
之行密曰吾死瞑目矣行密使溫與幕僚嚴可求詣  
隱取謀遣使召渥以王茂章代守宣州渥至行密薨  
諡忠武李儼承制**集覽**憲直憲愚直正也記表記篇  
以渥為節度使其民之敵憲而愚注憲傷容  
反又陽江丁絳二反荀子  
曰是謂是非謂非曰直

以梁王全忠為相國封魏王加九錫全忠不受

先是全忠急于傳禪密使蔣元暉等謀之元暉與柳  
璨等議以魏晉以來皆先封大國加九錫殊禮然後  
受禪密次第行之全忠大怒宣徽副使王殷趙殷衡  
譖之曰元暉璨等欲延唐祚故留其事以湏變元暉  
謂之曰吾詣全忠言狀全忠曰汝曹巧述間事以沮我  
信使我不受九錫豈不能作天子邪元暉曰唐祚已  
盡元帥歸王但以晉燕岐蜀皆吾勅嚴王遠受禪彼  
心未服不可不曲盡義理然後取之元暉等欲為王  
更募代之業耳全忠叱曰奴果反矣元暉歸與璨議  
如全忠九錫朝士多竊懷憤悒禮部尚書蘇循楷之  
父也獨揚言曰梁王功業顯大歷數有歸朝廷宜速  
行推讓朝士無敢違者乃以全忠為相國總百揆進  
封魏王加九錫全忠怒不受璨遂奏

**集覽**

九錫注見  
漢平帝元

始五年又注見漢獻帝建安十八年勅  
嚴左傳勅嚴之人注勅渠京反強也

書法

晉宋之初書自加某官復辭不受譏詐也惟司馬懿不書自書不受為無譏此亦非自加

也其不受亦幾乎誠也然則予之歟譏也何譏欲速也篡奪之臣未有如全忠之欲速者矣綱目拜

官書不受十九惟王仙芝朱全忠閻王昶為懽辭

發明

凡前代篡奪之人綱目書其自為相國自加九錫復辭不受者所以見其矯偽欺世之罪

至于賊溫之事則書以全忠為相國封魏王加九錫若真出于唐朝之命者何哉全忠急于篡奪肆

其暴怒唐朝恐懼亟行封爵故綱目變文不以自為自加書之耳若夫全忠不受亦不書其辭者言

辭則猶有委曲之意而直言不受則直暴怒峻却之而已此書法所以異于前代也嗚呼亂臣賊子

至于篡奪極矣孰知于篡奪之中又有已甚焉者其視晉宋齊梁為愈下矣世變至此可歎也哉



十二月朱全忠弑太后何氏殺蔣元暉柳璨張廷範

初柳璨與元暉廷範相結為全忠謀禪代事何太后使宮人達意求傳禪之後子母生全王殷趙殷衡諧元暉云與璨廷範與太后夜宴焚香為誓興復唐祚全忠信之誅元暉等以殷權知樞密殷衡權判宣徽院事殷等遂誣元暉私侍太后全忠令殷等弑太后于積善堂斬柳璨于上東門車裂廷範于都市璨臨刑呼曰負國賊柳璨死其宜矣范氏曰孟子曰不仁而得國者有之矣不仁而得天下未之有也三代以後蓋有不仁而得天下者全忠是也雖為天子數年而不免其身子孫殄戮靡有餘類是以一族易一身之富貴也五代之際起匹夫而為天子或五六年或三四年或一二年皆宗族夷滅世絕不祀亂臣賊子曾莫懲也書曰惠迪吉從逆凶惟影響豈不信哉

發明

春秋書宋督弑其君與夷及其大夫孔父則以孔父能為有無故書字書及所以予之也綱目書太

子劭弑其君義隆及其左衛率徐淑僕射徐湛之尚書江湛則以淑等忠于其主故書官書及亦以予之也朱温凶暴肆逆一以無道行之此固盜賊之靡然上書弑后而下書殺元暉等不以及書者蓋以三人實為禍首黨附逆賊圖滅唐祚故綱目書殺以正其迷國之罪不得與孔父徐淑徐湛之江湛為比也然元暉等既有其罪而不書誅者則以賊温不得而誅之耳權其輕重而為之書法此綱目之所以為綱目也歟

# 罷謁郊廟

先是禮院奏皇帝登位應祀南郊敕用十月行之既習儀朱全忠怒曰柳璨蔣元暉欲郊天以延唐祚璨等懼改用來年正月至是全忠弑太后誅璨等敕以宮禁內亂罷之

書法

罷之矣何以書譏欲速也謁郊廟常祀也而全忠以為欲延唐祚怒竟罷之篡奪之臣未有如全忠之欲速者矣

發明

郊廟常禮何害于篡竊而全忠猶怒而罷之持書于冊餘可知矣吁

丙寅 三年春正月宣州觀察使王茂章奔杭州

楊渥之去宣州也欲取其幄幕及親兵以行茂章不與渥怒既罷位遣李簡等將兵罷之茂章帥衆奔兩浙錢鏐以為鎮東節度副使更名景仁 質實鎮東節度一統志云唐乾寧中所置治越州五代錢氏以越州為東都宋仍為越州紹興初陞為紹興府元改紹興路本朝復為紹興府隸浙江道

羅紹威殺其牙軍八千家

初田承嗣鎮魏博選募六州驍勇之士五千人為牙軍厚其給賜以自衛自是父子相繼親黨膠固日益

驕橫小不如意輒族舊帥而易之自史憲誠以來皆  
立于其手羅紹威惡之力不能制密告朱全忠欲借  
兵以誅之全忠乃發兵屯深州聲言擊滄州會全忠  
女適紹威子者率全忠遣將實甲兵于橐中選兵千  
人為擔夫入魏詐云會葬全忠自以大兵繼其後云  
赴行營牙軍不之疑紹威潛遣人入庫斷弓弦甲襍  
夜率奴客數百人與汴將合擊牙軍牙軍欲戰而弓  
甲皆不可用遂合營殪之凡八千家嬰孺無遺詰旦  
全忠引甲襍普忠  
兵入城集覽甲襍普忠  
反甲之系也

發明

惡不積不足以滅身魏之牙軍世濟其惡故  
一旦禍發嬰孺無遺此天理昭昭之報不可

誣者然紹威亦太慘矣故  
書殺八千家以甚之也

以梁王全忠為三司都制置使

三司之名始于  
此全忠辭不受

夏四月朔日食○天雄軍亂梁王全忠討平之

羅紹威既誅牙軍魏之諸軍皆猜懼牙將史仁遇聚  
衆數萬據高唐巡內州縣多應之全忠攻拔屠之李  
克用遣兵賈實天雄軍注見漢成帝綏和二年  
救之不克賈實高唐州名注見周顯王十四年

鎮南節度使鍾傳卒

子匡時  
為留後

秋七月梁王全忠還大梁

全忠留魏半歲羅紹威供億所殺牛羊豕近七十萬  
資糧稱是蓄積為之一空紹威雖去其逼而魏兵自

是衰弱紹威悔之謂人曰合六州四十三縣鐵不能  
為此錯也范氏曰自天寶已後燕趙魏之俗安于悖  
逆不復知有君臣凡十五世然後夷滅靡有遺類而  
其俗猶不改也其後梁唐之得國與失之皆始于魏  
由其習亂易動也而燕人至晉氏遂淪于左衽豈非  
諸夏之禮其亡有漸乎趙居二寇之間或逆或順不  
若燕魏之甚也故其禍有淺深論者或謂紹威誅牙  
軍以弱魏而全忠無後顧之慮因以篡唐夫唐與魏  
離亦久矣牙軍適足亂魏而已豈能為唐室之輕重乎

**集覽**

合六州四十三縣鐵不能為此

錯合音閣錯錯各反摩鑣銅鐵之具也今俗謂事差  
誤亦曰錯魏博藩鎮所部有州六縣四十三今羅紹  
威謂合此州縣中鐵亦作不成這一箇大錯蓋自悔前所為大差也

九月梁王全忠攻滄州劉仁恭救之

欽定四庫全書

御批資治通鑑綱目

全忠以幽滄相首尾為魏惠欲先取滄州引兵度河  
圍滄州劉仁恭救之下令境內男子十五以上七十  
以下悉自備兵糧詣行營文其面曰定霸都士人則  
文其臂曰一心事主得兵十萬軍于瓦橋畏汴軍強  
不敢戰城中食盡全忠使人說劉守文曰何不早降  
守文登城應之曰梁王方以大義服天下若子叛父  
而來將安用之全忠  
愧其辭直為之緩攻

### 楊渥取洪州

楊渥遣秦裴將兵擊洪州軍于蓼洲諸將請阻水立  
寨裴不從鍾匡時果遣其將劉楚據之諸將以咎裴  
裴曰匡時驍將獨楚耳若帥衆守城不可猝拔吾  
故以要害誘致之耳破寨執楚遂圍洪州拔之

### 楊崇本攻夏州質寶

夏州注見唐明  
宗長興四年

書法

崇本之降全忠也嘗自去其賜姓名矣既而

討全忠則復其舊焉綱目亦以李繼徽書之

而予之以討以其未忘李氏也此其復書楊崇本

何削之也君弑賊不討而內自相攻知有李氏者

不如是矣故削

之而下書人

○冬十月王建立行臺

王建始立行臺于蜀建東向舞蹈號慟言曰自大駕  
東遷制命不通請權立行臺用李晟鄭畋故事承制  
封拜仍以榜  
帖告諭所部

李克用遣兵攻潞州

劉仁恭求救于河東前後數百輩李克用恨其反覆  
未之許存勗諫曰天下之勢歸朱溫者什七八自河



以北能為溫患者獨我與幽滄耳今不與之併力非我之利也夫為天下者不顧小怨且彼嘗困我而我救其急以德懷之乃一舉而名實附也此乃吾復振之時不可失也克用以為然謀召幽州兵與攻潞州曰于彼則可以解圍于我則可以拓境乃許仁恭和仁恭遣兵三萬詣晉陽克用遣周德威李嗣昭等將兵與之共攻潞州

梁王全忠遣劉知俊救夏州邠人大敗

夏州告急于全忠全忠遣劉知俊等救之崇本將六鎮之兵五萬軍于美原知俊等擊敗之乘勝攻下邠延等五州西集路見美原耀州美原縣屬京兆府軍自是不振集路見今安西路輝州古耀州也質實

一統志云美原唐之縣名屬京兆府宋改屬耀州元省之故城在西安府富平縣東北三十里

梁王全忠以高季昌為荆南留後

武貞雷彥恭屢犯荆南寇留賀瑛閉城自守朱全忠以為怯使季昌代之

十二月昭義節度使丁會降于河東梁王全忠引兵還

質實

昭義節度注見周報王五十三年上黨


初昭宗凶計至潞州會帥將士縞素流涕久之及李嗣昭攻潞州會舉軍降之李克用以嗣昭為昭義留後會見克用泣曰會非力不能守也梁王凌虐唐室會雖受其舉拔之恩誠不忍其所為故來歸命耳克用厚待之位予諸將之上全忠將攻潞州聞潞州不守引兵還芻糧山積命悉焚之在舟中者鑿而沉之劉守文使遺全忠書曰城中數萬口不食數月矣與其焚之為煙沉之為泥願乞所餘以救其命全忠畱

數國以遺之  
滄州賴以濟

書法

會全忠所舉也外降矣書官何子會也先是昭宗凶問至潞會帥將士縞素流涕及嗣昭

攻潞會有梁王凌虐唐室之言則知有唐室者矣當是時能如會者鮮矣故書官予之



御批資治通鑑綱目卷五十三